

欣賞叢書

# 浣花詩詞

賀揚靈校



上海

光華書局印行

1934

上海图书馆藏书



A541 212 0007 4074B

欣賞叢書

浣花詩詞

賀揚靈校

上海圖書館藏書

光華書局印行

1934

112621

一九三一年五月出版

一九三四年三月三版

版權所有

每冊實價大洋五角

外埠另加郵費二分半

# 浣花詩詞

# 浣花詩詞目錄一

## 浣花詩細目

章臺夜思

延興門外作

劉得仁墓

下第題青龍寺僧房

虢州澗東村居作

送日本國僧敬龍歸

對酒

尹喜宅

途中望雨懷歸

古離別

柳谷道中作却寄

灞陵道中作

秋日早行

歎落花

宮怨

關河道中

題盤豆驛水館後軒

梁氏水齋

曲江作

嘉會里閑居

夏夜

早發

寓言

對雪獻薛常侍

題裴端公郊居

登咸陽縣樓望雨

貴公子

聽趙秀才彈琴

觀獵

三堂東湖作

放榜日作

寄薛先輩

訪含弘山僧不遇留題精

舍

寄從兄遵

漁塘十六韻(有註)

冬日長安感志寄獻虢州

崔郎中二十韻

和薛先輩見寄初秋寓懷

卽事之作二十韻

同舊韻

三用韻

驚秋

登漢高廟閑眺

耒陽縣浮山神廟

愁

村居書事

三堂早春

雨霽晚眺

立春日作

贈雲陽縣裴明府

賊中與蕭韋二秀才同臥

重疾二君尋愈余獨

加焉恍惚之中因有

題

重圍中逢蕭校書

咸通

白櫻桃

夜景

宿山家

長年

辛丑年

思歸

憶昔

合歡蓮花

覽蕭必先巷

和人歲晏旅舍見寄

宿泊孟津寄三堂友人

對酒賦友人

天井關

贈邊將

春日

早秋夜作

寄江南逐客

冬夜

又聞湖南荆渚相次陷沒

家叔南游却歸因獻賀

楚行吟

洛陽吟

過舊宅

喻東君

清河縣樓作

北原閑眺

贈戍兵

觀軍迴戈

中渡晚眺



河內別村業閑題

聞官軍繼至未覩凱旋

和集賢侯學士分司丁侍

御秋日雨霽之作

題安定張使君

潁陽縣

寄園林主人

洛北村居

對梨花贈皇甫秀才

立春

村笛

題李斯傳

贈薛秀才

和元秀才別業書事

紀村事

題許僊師院

離筵訴酒

不寐

贈武處士

題吉澗盧拾遺莊

題潁源廟

東遊遠歸

新正日商南道中作寄李

明府

春暮

哭麻處士

春早

和友人

春愁

晚春

題許渾詩卷

贈禮佛名者

殘花

上元縣(浙西作)

江上逢史館李學士

金陵圖

- |            |            |
|------------|------------|
| 謁蔣帝廟       | 過當塗縣       |
| 聞再幸梁洋      | 江亭酒醒却寄維揚錢客 |
| 王道者        | 臺城         |
| 陪金陵府相中堂夜宴  | 贈漁翁        |
| 和侯秀才同友生泛舟溪 | 過揚州        |
| 中相招之作      | 寄右省李起居     |
| 贈野童        | 鑷白         |
| 代書寄馬       | 漳亭驛小櫻桃     |
| 題淮陰侯廟      | 酬吳秀才雪川相送   |
| 送崔郎中往使西川行在 | 對雨獨酌       |
| 潤州顯濟閣曉望    | 夏初與侯補闕江南有約 |
| 觀浙西府相政遊    | 同泛淮汴西赴行朝   |
| 官莊(有註)     | 莊自九驛路先至甬   |
| 解維         | 橋補闕由淮楚續至   |
| 雨霽池上作呈侯學士  | 泗上寢病旬日遽聞   |
| 寓言         | 捐館迴首悲慟因成   |
| 哭同舍崔員外     | 長句四韻弔之(有   |
| 題姑蘇凌處士莊    | 註)         |

汴題行

旅次甬西見兒童以竹槍  
紙棋戲爲陣列主人  
叟曰斯子也三世沒  
于陣思所襲祖父讎  
余因感之

自孟津舟西上雨中作

含山店夢覺作

題貂黃嶺官軍

過內黃縣

雜感

垣縣山中尋李書記山居

不遇留題河次店

送人遊并汾

李氏小池亭十二韻（有

註）

遣興

婺州和陸諫議將赴闕懷

陽羨山居

江上題所居

婺州屏屋蒙右省王拾遺

車枉降訪病中延候

不得因成寄謝

將卜蘭芷村居留別郡中

在仕

和陸諫議避地寄東陽進

退未決見寄

山墅閑題

江上逢故人

旅中感遇寄呈李祕書昆

仲

送范評事入關

東陽酒家贈別二絕句

江上村居

江外思鄉

和鄭拾遺秋日感事一百

- |           |            |
|-----------|------------|
| 韻         | 江行西望       |
| 夢入關       | 銅儀         |
| 送人歸上國     | 含香         |
| 聞春鳥       | 春雲         |
| 櫻桃樹       | 雲散         |
| 獨鶴        | 袁州作        |
| 新栽竹       | 題袁州謝秀才所居   |
| 稻田        | 謁巫山廟       |
| 庭前菊       | 鷓鴣         |
| 燕來        | 宿蓬船        |
| 倚柴關       | 送李秀才歸荆溪    |
| 題七步廊      | 洪州送西明寺省上人遊 |
| 語松竹       | 福建         |
| 不出院楚公(有注) | 建昌渡暝吟      |
| 江邊吟       | 歲除對王秀才作    |
| 江南送李明府入關  | 酒渴愛江清      |
| 送福州王先輩南歸  | 和李秀才郊墅早春吟興 |
| 夜雪泛舟遊南溪   | 十韻         |

- |            |            |
|------------|------------|
| 泛鄱陽湖       | 秀拔中有山門如滿   |
| 黃藤山下聞猿     | 月之狀余因行役過   |
| 章江作        | 其下聊賦是詩     |
| 南遊富陽江中作    | 婺州水館重陽日作   |
| 饒州餘干縣琵琶洲有故 | 避地越中作      |
| 韓賓客宜城裴尙書   | 撫州江口雨中作    |
| 修行李侍郎舊居遺   | 信州谿岸夜吟作    |
| 址猶存有過之感舊   | 訪潯陽友人不遇    |
| 因以和吟       | 東林寺再遇僧益大德  |
| 九江逢盧員外     | 西塞山下作      |
| 南昌晚眺       | 齊安郡        |
| 衢州江上別李秀才   | 夏口行寄婺州諸弟   |
| 湘中作        | 南省伴直       |
| 桐廬縣作       | 鄆杜舊居二首     |
| 東陽贈別       | 寄江南諸弟      |
| 寄湖州舍弟      | 投寄舊知       |
| 信州西三十里山名仙人 | 癸丑年下第獻新先輩  |
| 城下有月巖山其狀   | 題沂陽縣馬跑泉李學士 |

## 別業

絳州過夏留獻鄭尚書

綏州作

與東吳生相遇(及第後出

關作)

庭前桃

丙辰年鄜州遇寒食城外

醉吟七言五首

宜君縣北卜居不遂留題

王秀才別墅二首

鄜州留別張員外

病中聞相府夜宴戲贈集

賢盧學士

出關

過樊川舊居

長安舊里

過漢陂懷舊

汧湯間

焦崖閣

雞公幘(有注)

乞彩牋歌

詠白牡丹

秦婦吟

## 浣花詩詞目錄二

### 浣花詞調目次

訴衷情二首	天仙子五首
江城子二首	定西番二首
思帝鄉二首	上行杯二首
酒泉子一首	女冠子二首
浣溪沙五首	歸國遙三首
菩薩蠻五首	謁金門三首
清平樂六首	喜遷鶯二首
應天長二首	荷葉杯二首
河傳三首	怨王孫一首
木蘭花一首	小重山一首
望遠行一首	

浣花詞集



# 浣花詩集

## 章臺夜思

清瑟怨遙夜，遶弦風雨哀。孤燈聞楚角，殘月下章臺。芳草已云暮，故人殊未來。鄉書不可寄，秋雁又南迴。

## 延興門外作

芳草五陵道，美人金犢車。綠奔穿內水，紅落過牆花。馬足倦遊客，鳥聲歡酒家。王孫歸去晚，宮樹欲棲鴉。

劉得仁墓

至公遺至藝，終抱至冤沈。名有詩家業，身無戚里心。桂和秋露滴，松帶夜風吟。冥寞知春否？墳蒿日已深！

下第題青龍寺僧房

千蹄萬轂一枝芳，要路無媒果自傷。題柱未期歸蜀國，曳裾何處謁吳王！馬嘶春陌羈鬪，鳥睡花林繡羽香。酒薄恨濃消不得，却將惆悵問支郎。

虢州澗東村居作

東南騎馬出郊坰，迴首寒煙隔郡城。清澗漲時翹鷺喜，綠桑疎處哺牛鳴。兒童見少生於客，奴僕驕多倨似兄。試望家田還自適，滿畦秋水稻苗平。

## 送日本國僧敬龍歸

扶桑已在渺茫中，家在扶桑東更東。此去與師誰共到？一船明月一帆風。

## 對酒

何用巖棲隱姓名，一壺春酎可忘形。伯倫若有長生術，直到如今醉未醒。

## 尹喜宅

荒原秋殿柏蕭蕭，何代風煙占寂寥。紫氣已隨僊仗去，白雲空向帝鄉消。濛濛暮雨春鷄唱，漠漠寒蕪雪兔跳。欲問靈蹤無處所，十洲空闊闔山遙。

## 途中望雨懷歸

滿空寒雨慢霏霏，去路雲深鑲翠微。牧豎遠當烟草立，饑禽閑傍渚田飛。誰家樹壓紅榴折？幾處籬懸白菌肥。對此不堪鄉外思，荷蓑遙羨釣人

歸。

### 古離別

晴煙漠漠柳鬢鬢，不那離情酒半酣。更把馬鞭雲  
外指，斷腸春色在江南。

### 柳谷道中作却寄

馬前紅葉正紛紛，馬上離情斷殺魂。曉發獨辭殘  
月店，暮程遙宿隔雲村。心如嶽色留秦地，夢  
逐河聲出禹門。莫怪苦吟鞭拂地，有誰傾蓋待王  
孫？

### 灞陵道中作

春橋南望水溶溶，一桁晴山倒碧峯。秦苑落花零  
露濕，灞陵新酒撥醅濃。青龍天矯盤雙闕，丹  
鳳雛雛隔九重。萬古行人離別地，不堪吟罷夕陽  
鐘。

## 秋日早行

上馬蕭蕭襟袖涼，路穿禾黍繞宮牆。半山殘月露華冷，一岸野風蓮萼香。煙外驛樓紅隱隱，渚樹雲邊暗蒼蒼。行人自是心如火，兔走烏飛不覺長。

## 歎落花

一夜霏微露濕煙，曉來和淚喪嬋娟。不隨殘雪埋芳草，盡逐香風上舞筵。西子去時遺笑靨，謝娥行處落金鈿。飄紅墮白堪惆悵，少別穠華又隔年。

## 宮怨

一辭同輦閉昭陽，耿耿寒宵禁漏長。釵上翠禽應不返，鏡中紅豔豈重芳。螢低夜色棲瑤草，水咽秋聲傍粉牆。展轉令人思蜀賦，解將惆悵感君王。

關河道中

槐陌蟬聲柳市風，驛樓高倚夕陽東。往來千里路長在，聚散十年人不同。但見峇光流似箭，豈知天道曲如弓？平生志業匡堯舜，又擬滄浪學釣翁。

題盤豆驛水館後軒

極目晴川展畫屏，地從桃塞接蒲城。灘頭鷺占清波立，原上人侵落照耕。去雁數行天際沒，孤雲一點淨中生。憑軒盡日不迴首，楚水吳山無限情！

梁氏水齋

獨醉任騰騰，琴棋亦自能。卷簾山對客，開戶犬迎僧。看蟻移苔穴，聞蛙落石層。夜窗風雨急，松外一菴燈。

曲江作

細雨曲池濱，青袍草色新。詠詩行信馬，載酒喜逢人。性爲無機率，家因守道貧。若無詩自遣。誰奈寂寥春？

### 嘉會里閑居

豈知城闕內，有地出紅塵。草占一坊綠，樹藏千古春。馬嘶遊寺客，犬吠探花人。寂寂無鐘鼓，槐行接紫宸。

### 夏夜

傍水遷書榻，開襟納夜涼。星繁愁晝熱，露重覺荷香。蛙吹鳴還息，蛛羅滅又光。正吟秋興賦，桐影下西牆。

### 早發

早霧濃於雨，田深黍稻低。出門雞未唱，過客馬頻嘶。樹色遙藏店，泉聲暗傍畦。獨吟三十里，城月尙如珪。

寓言

黃金日日銷還鑄，僊桂年年折又生。兔走烏飛如未息，路塵終見泰山平。

對雪獻薛常侍

瑤林瑤樹忽珊珊，急帶西風下晚天。皓鶴糢糊飛不辨，玉山重疊凍相連。松裝粉穗臨窗亞，水結冰錐簇溜懸。門外寒光利如劍，莫推紅袖訴金船。

題裴端公郊居

暫隨紅旆佐藩方，高跡終期臥故鄉。已近水聲開澗戶，更侵山色架書堂。蒲生岸脚青刀利，柳拂波心綠帶長。莫奪野人樵牧興，白雲不識繡衣郎。

登咸陽縣樓望雨



亂雲如獸出山前，細雨和風滿渭川。盡日空濛無所見，雁行斜去字聯聯。

### 貴公子

大道青樓御苑東，玉欄僊杏壓枝紅。金鈴犬吠梧桐院，朱鬣馬嘶楊柳風。流水帶花穿巷陌，夕陽和樹入簾櫳。瑤池宴罷歸來醉，笑說君王在月宮。

### 聽趙秀才彈琴

滿匣冰泉咽又鳴，玉音閑澹入神清。巫山夜雨絃中起，湘水清波指下生。蜂簇野花吟細韻，蟬移高柳迸殘聲。不須更奏幽蘭曲，卓氏門前月正明。

### 觀獵

苑牆東畔欲斜暉，傍苑穿花兔正肥。公子喜逢朝罷日，將軍誇換戰時衣。鶻翻錦翅雲中落，犬帶

金鈴草上飛。直到四郊高鳥盡，掉鞍齊向國門歸。

三堂東湖作

滿塘秋水碧泓澄，十畝菱花晚鏡清。影動新橋橫  
巖竦，岸鋪芳草睡鳩鳴。蟾投夜魄當湖落，嶽倒  
秋蓮入浪生。何處最添詩客興？黃昏煙雨亂蛙  
聲。

放榜日作

一聲天鼓闢金扉，三十僊材上翠微。葛水霧中龍  
乍變，緱山煙外鶴初飛。鄒陽暖豔催花發，太皞  
春光簇馬歸。迴首便辭塵土世，彩雲新換六銖  
衣。

寄薛先輩

懸知迴日綵衣榮，僊籍高標第一名。瑤樹帶風侵  
物冷，玉山和雨射人清。龍翻瀚海波濤壯，鶴出

金籠燕雀驚。不說文章與門地，自然毛骨是公卿。

訪含弘山僧不遇留題精舍

滿院桐花鳥雀喧，寂寥芳草茂芊芊。吾師正遇歸山日，閑客空題到寺年。池竹閉門教鶴守，琴書開篋任僧傳。人間不自尋行跡，一片孤雲在碧天。

寄從兄遵

江上秋風正釣鱸，九重天子夢翹車。不將高臥邀劉主，自吐清談護漢儲。滄海十年龍影斷，碧雲千里鴈行疎。相逢莫話歸山計，明日東封待直廬。

漁澗十六韻 (在朱陽縣石岩下古老云洛水一派流出此山)

洛水分餘脈，穿巖出石稜。碧經嵐氣重，清帶露

華澄。瑩澈通三島，巖梧積萬層。巢由應共到，  
劉阮想同登。壁峻苔如畫，山昏霧似蒸。撼松衣  
有雪，題石硯生冰。路熟雲中客，名留域外僧。  
饑猿尋落橡，鬪鼠墮高藤。嶮樹臨溪亞，殘莎帶  
岸崩。持竿聊藉草，待月好垂簷。對景思任父，  
開圖想不興。晚風輕浪疊，暮雨濕煙凝。似泛靈  
查出，如迎羽客昇。僊源終不測，勝概自相仍。  
欲別誠堪戀，長歸又未能。他昔操史筆，爲爾著  
良稱。

冬日長安感志寄獻虢州崔郎中二十韻  
帝里無成久滯淹，別家三度見新蟾。郟詵丹桂無  
人指，阮籍青襟有淚霑。溪上却思雲滿屋，鏡  
中唯怕雪生髯。病如原憲誰能療？蹇似劉禎豈用  
占！霧雨十年同隱遁，風雷何日振沈潛？吁嗟每  
被更聲引，歌詠還因酒思添。客舍正甘愁寂寂，  
郡樓遙想醉厭厭。已聞鈴閣懸新詔，卽向綸闈副  
具瞻。濟物便同川上楫，慰心還似邑中黔。觀星

始覺中郎貴，問俗方知太守廉。宅後綠波棲畫鷁，馬前紅袖簇丹襜。閑招好客斟香蟻，悶對瓊花詠散鹽。積凍慢封寒霤細，暮雲高拔遠峯尖。訟堂無事冰生印，水榭高吟月透簾。松下圍棋期褚胤，筆頭飛箭薦陶謙。未知匣劍何時躍？但恐鉛刀不再銛。雖有遠心長擁篲，恥將新劍學編苫。纔驚素節移銅律，又見玄冥變玉籤。百口似萍依廣岸，一身如燕戀高簷。如今正困風波力，更向人中間宋織。

和薛先輩見寄初秋寓懷卽事之作二十韻

玉律初移候，清風乍遠襟。一聲蟬到耳，千炬火燃心。嶽靜雲堆翠，樓高日半沈。引愁憎暮角，驚夢怯殘砧。露白凝湘簟，風篁韻蜀琴。鳥喧從果爛，壻淨任苔侵。柿葉添紅影，槐柯減綠陰。採珠逢寶窟，閱石見瑤林。魯殿鏗寒玉，苔山激碎金。邴堂流桂影，陳巷集車音。名自張華顯，

詞因葛亮吟。水深龍易失，天遠鶴難尋。鑒貌寧  
慚樂，論才豈謝任。義心孤劍直，學海怒濤深。  
既觀文兼質，翻疑古在今。慚聞紆綠綬，既俟挂  
朝簪。晚樹連秋塢，斜陽映暮岑。夜蟲方唧唧，  
疲馬正駸駸。託跡同吳燕，依仁似越禽。會隨僊  
羽化，香蟻且同斟。

### 同舊韻

大火收殘暑，清光漸惹襟。謝莊千里思，張翰五  
湖心。暮角迎風急，孤鐘向暝沈。露滋三徑草，  
日動四隣嵒。簞委班姬扇，蟬悲蔡琰琴。方愁丹  
桂遠，已怯二毛侵。甃石迴泉脈，移棋就竹陰。  
觸絲蛛墮網，避隼鳥投林。貌愧潘郎璧，文慚呂  
相金。但埋<sup>三</sup>鄼獄氣，未發爨桐音。靜笑劉琨舞，  
閑思阮籍吟。野花和雨斲，怪石入雲尋。跡竟終  
非切，幽間且自任。趨時慚藝薄，託質仰恩深。  
美價方稀古，清名已絕今。對聞留縞帶，詎肯擲  
蒼簪？遲客虛高閣，迎僧出亂岑。壯心徒戚戚，

逸足自駸駸。安羨倉中鼠，危同幕上禽。期君調鼎鼎，他日俟羊斟。

### 三用韻

素律初迴馭，商飈暗觸襟。乍傷詩客思，還動旅人心。蟬噪因風斷，鱗遊見鷺沈。笛聲隨晚吹，松韻激遙砧。地覆青袍草，窗橫綠綺琴。煙霄難自致，歲月易相侵。澗柳橫孤釣，巖藤架密陰。瀟湘期釣侶，鄠杜別家林。遺愧虞卿壁，言依季布金。錚鏘聞郢唱，次第發巴音。螢影衝簾落，蟲聲擁砌吟。樓高思共釣，寺遠想同尋。入夜愁難遣，逢秋恨莫任。蝸遊苔徑滑，鶴步翠塘深。莫問榮兼辱，寧論古與今。固窮憐瓮牖，感舊惜蒿簪。晚日舒霞綺，遙天倚黛岑。鴛鴦方翩翩，驂驥整駸駸。未化投陂竹，空思出谷禽。感多聊自遣，桑落且閑斟。

### 驚秋

不向煙波狎釣舟，強親文墨事傷丘。長安十二槐花陌，曾負秋風多少愁！

登漢高廟閑眺

獨尋僊徑上高原，雲雨深藏古帝壇。天畔晚峯青簇簇，檻前春樹碧團團。參差郭外樓臺小，斷續風中鼓角殘。一帶遠光何處水？釣舟閑繫夕陽灘。

耒陽縣浮山神廟

一郡皆傳此廟靈，廟前松桂古今青。山曾堯代浮洪水，地有唐臣奠綠醞。遠坐香風吹寶蓋，傍簷煙雨濕巖扃。爲霖自可成農歲，何用興師遠伐邢！

愁

避愁愁又至，愁至事難忘。夜作心中火，朝爲鬢上霜。不經公子夢，偏入旅人腸。借問高軒客：何處是醉鄉？



## 村居書事

年年耕與釣，鷗鳥已相依。砌長蒼苔厚，藤抽紫  
蔓肥。風鶯移樹囀，雨燕入樓飛。不覺春光暮，  
遠籬紅杏稀。

## 三堂早春

獨倚危樓四望遙，杏花春陌馬聲驕。池邊冰刃暖  
初落，山上雪稜寒未銷。谿送綠波穿郡宅，日移  
紅影度村橋。主人年少多情味，笑換金龜解珥  
貂。

雨霽晚眺(庚子年冬大駕幸蜀後作)

入谷路縈紆，巖巔日欲晡。嶺雲寒掃蓋，溪雪凍  
粘鬚。臥草跼如兔，聽冰怯似狐。仍聞關外火，  
昨夜徹皇都。

## 立春日作

九重天子去蒙塵，御柳無情依舊春。今日不關妃妾事，始知辜負馬嵬人！

贈雲陽縣裴明府

南北三年一解攜，海爲深谷岸爲蹊。已聞陳勝心降漢，誰爲田橫國處齊？暴客至今猶戰鶴，故人何處尚驅雞？歸來能作煙波伴，我有魚舟在五溪。

賊中與蕭韋二秀才同臥重疾二君尋愈  
余獨加焉恍惚之中因有題

與君同臥疾，獨我漸彌留。弟妹不知處，兵戈殊未休。胸中疑晉豎，耳下鬪殷牛。縱有秦醫在，懷鄉亦淚流！

重圍中逢蕭校書

相逢俱此地，此地是何鄉？側目不成語，撫心空自傷！劍高無鳥度，樹暗有兵藏。底事征西將，

年年戍洛陽。

### 咸通

咸通時代物情奢，歡殺金張許史家。破產競留天上樂，鑄山爭買洞中花。諸郎宴罷銀燈合，僊子遊迴壁月斜。人意似知今日事，急催絃管送年華。

### 白櫻桃

王母堦前種幾株，水精簾外看如無。只應漢武金盤上，瀉得珊瑚白露珠。

### 夜景

滿庭松桂雨餘天，宋玉秋聲韻蜀絃。烏兔不知多事世，星辰長似太平年。誰家一笛吹殘暑？何處雙砧擣暮煙？欲把傷心問明月，素娥無語淚娟娟！

宿山家

山行侵夜到，雲竇一星燈。草動蛇尋穴，枝搖鼠上藤。背風開藥竈，向月展漁罾。明日前溪路，煙蘿更幾層，

長年

長年方悟少年非，人道新詩勝舊詩。十畝野塘留客釣，一軒春雨對僧棋。花間醉任黃鶯說，亭上吟從白鷺窺。大盜不將爐冶去，有心重築太平基。

辛丑年

九衢漂杵已成川，塞上黃雲戰馬閑。但有羸兵填渭水，更無奇士出商山。田園已沒紅塵裏，弟妹相逢白刃間。西望翠華殊未返，淚痕空濕劍文斑！

思歸

暖絲無力自悠揚，牽引東風斷客腸。外地見花終寂寞，異鄉聞樂更淒涼。紅垂野岸櫻還熟，綠染迴汀草又芳。舊里若爲歸去好，子期凋謝呂安亡！

### 憶昔

昔年曾向五陵遊，子夜歌清月滿樓。銀燭樹前長似畫，露桃花裏不知秋。西園公子名無忌，南國佳人號莫愁。今日亂離俱是夢，夕陽唯見水東流！

### 合歡蓮花

虞舜南巡去不歸，二妃相誓死江湄。空留萬古香魂在，結作雙葩合一枝。

### 覽蕭必先卷

滿軸編新句，儵然大雅風。名因五字得，命合一言通。景盡才難盡，吟終意未終。似逢曹與謝，

煙雨思何窮。

和人歲晏旅舍見寄

積雪滿前除，寒光夜皎如。老憂新歲近，貧覺故交疎。意合論文後，心降得句初。莫言常鬱鬱，天道有盈虛。

宿泊孟津寄三堂友人

解纜西征未有期，槐花又逼桂花時。鴻臚陌上歸耕晚，金馬門前獻賦遲。只恐愁苗生兩鬢，不堪離恨入雙眉。分明昨夜南池夢。還把漁竿詠楚詞。

對酒賦友人

多病仍多感，君心自我心。浮生都是夢，浩歎不如吟。白雪篇篇麗，清醑盞盞深。亂離俱老大，強醉莫霑襟。

## 天井關

太行山上雲深處，誰向雲中築女牆？短綆詎能垂玉甃；繚垣何用學金湯！斷開嵐翠爲高壘，截斷雲霞作巨防。守吏不教飛鳥過，赤眉何路到吾鄉？

## 贈邊將

昔因征遠向金微，馬出榆關一鳥飛。萬里只攜孤劍去，十年空逐塞鴻歸。手招都護新降虜，身着文皇舊賜衣。只待煙塵報天子，滿頭霜雪爲兵機。

## 春日

忽覺東風（一作君）景漸遲，野梅山杏暗芳菲。落星樓上吹殘角，偃月營中掛夕暉。旅夢亂隨蝴蝶散，離魂（一作情）漸逐杜鵑飛。紅塵遮（一作望）斷長安陌，芳草王孫暮不歸。

早秋夜作

翠簟初清暑半銷，撇簾松韻送輕飄。莎庭露永琴書潤，山郭月明砧杵遙。傍砌綠苔鳴蟋蟀，遶簷紅樹織蠨蛸。不須更作悲秋賦，王粲辭家鬢已凋！

寄江南逐客

二年音信阻湘潭，花下相思酒半酣。記得竹齋風雨夜，對牀孤枕話江南。

冬夜

睡覺寒爐酒半消，客情鄉夢兩遙遙。無人爲我磨心劍，割斷愁腸一寸苗！

又聞湖南荆渚相次陷沒

幾時聞唱凱旋歌，處處屯兵未倒戈。天子只憑紅旆壯，將軍空恃紫髯多。屍填漢水連荆阜，血染湘雲接楚波。莫問流離南越事，戰餘空有舊山



河！

家叔南游却歸因獻賀

繚繞江南一歲歸，歸來行色滿戎衣。長聞鳳詔徵兵急，何事龍韜獻捷稀。旅夢遠依湘水闊，離魂空伴越禽飛。遙知倚棹思家處，澤國煙深暮雨微。

楚行吟

章華臺下草如煙，故郢城頭月似弦。惆悵楚宮雲雨後，露啼花笑一年年。

洛陽吟（時大駕在蜀巢寇未平洛中寓居作七言）

萬戶千門夕照邊，開元時節舊風煙。宮官試馬遊三市，舞女乘舟上九天。胡騎北來空進主，漢皇西去竟昇僊。如今父老偏垂涕，不見承平四十年！

過舊宅

華軒不見馬蕭蕭，廷尉門人久寂寥。朱檻翠樓爲  
卜肆，玉欄僂杏作春樵。塔前雨落鴛鴦瓦，竹裏  
苔封螭棟橋。莫問此中銷歇事，娟娟紅淚泣芭  
蕉！

喻東軍

四年龍馭守峨嵋，鐵馬西來步步遲。五運未教移  
漢鼎，六韜何必待秦師？幾時鸞鳳歸丹闕，到處  
烏鳶從白旗。獨把一罇和淚酒，隔雲遙奠武侯  
祠。

清河縣樓作

有客微吟獨凭樓，碧雲紅樹不勝愁。盤鵬迥印天  
心沒，遠水斜牽日脚流。千里戰塵連上苑，九江  
歸路隔東周。故人此地揚帆去，何處相思雪滿  
頭。

## 北原閑眺

春城迴首樹重重，立馬平原夕照中。五鳳灰殘金翠滅，六龍游去市朝空，千年王氣浮清洛，萬古坤靈鎮碧嵩。欲問向來陵谷事，野桃無語淚花紅。

## 贈戍兵

漢皇無事暫遊汾，底處狐狸嘯作羣。夜指碧天占晉分，曉磨孤劍望秦雲。紅旌不卷風長急，畫角閑吹日又曛。止竟有征須有戰，洛陽何用久屯軍？

## 觀軍迴戈

關中羣盜已心離，關外猶聞羽檄飛。御苑綠莎嘶戰馬，禁城寒月擣征衣。漫教韓信兵塗地，不及劉琨嘯解圍。昨日屯軍還夜遁，滿車空載洛神歸。

中渡晚眺

魏王堤畔草如煙，有客傷時獨扣舷。妖氣欲昏唐社稷，夕陽空照漢山川。千重碧樹籠春苑，萬縷紅霞襯碧天。家寄杜陵歸不得，一週週首一潸然！

河內別村業閑題

阮氏清風竹巷深，滿谿松竹似山陰。門當谷路多樵客，地帶河聲足水禽。閑伴爾曹雖適意，靜思吾道好霑襟。隣翁莫問傷時事，一曲高歌夕照沈。

聞官軍繼至未覩凱旋

嫖姚何日破重圍？秋草深來戰馬肥。已有孔明傳將略，更聞王導得神機。陣前鞞鼓晴應響，城上烏鳶飽不飛。何事小臣偏注目，帝鄉遙羨白雲歸。

和集賢侯學士分司丁侍御秋日雨霽之  
作

洛岸秋晴夕照長，鳳樓龍闕倚清光。玉泉山淨雲  
初散，金谷樹多風正涼。席上客知蓬島路，座中  
寒有柏臺霜。多慚十載遊梁士，却伴賓鴻入帝  
鄉。

題安定張使君

器度風標合出塵，桂宮何負一枝新。成丹始見金  
無滓，衝斗方知劍有神。憤氣不銷頭上雪，政聲  
空布海邊春。中興若繼開元事，堪向龍池作近  
臣。

潁陽縣

琴堂連少室，故事卽僊蹤。樹老風聲壯，山高臘  
候濃。雪多庭有鹿，縣僻寺無鐘。何處留詩客？  
茆簷倚後峯。

寄園林主人

主人常不在，春物爲誰開？桃豔紅將落，梨花雪又催。曉鶯閑自囀，遊客暮空回。尚有餘芳在，猶堪載酒來。（僅一作攜）

洛北村居

十畝松篁百畝田，歸來方屬大兵年。巖邊石室低臨水，雲外嵐峯半入天。鳥勢去投金谷樹，鐘聲遙出上陽煙。無人說得中興事，獨倚斜暉憶仲宣！

對梨花贈皇甫秀才

林上梨花雪壓枝，獨攀瓊豔不勝悲！依前此地逢君處，還是去年今日時。且戀殘陽留綺席，莫推紅袖訴金卮。騰騰戰鼓樂多事，須信明朝難重持。

立春

青帝東來日馭遲，暖煙輕逐曉風吹。鬪袍公子樽前覺，錦帳佳人夢裏知。雪圃乍開紅菜甲，綵幡新翦綠楊絲。殷勤爲作宜春曲，題向花牋帖繡楣。

### 村笛

簫韶九奏韻淒鏘，曲度雖高調不傷。却見孤村明月夜，一聲牛笛斷人腸。

### 題李斯傳

蜀魄湘魂萬古悲，未悲秦相死秦時。臨刑莫恨倉中鼠，上蔡東門去自遲。

### 贈薛秀才

相辭因避世，相見尙兵戈。亂後故人少，別來新話多。但聞哀痛詔，未覩凱旋歌。欲結巖棲伴，何山好薜蘿？

和元秀才別業書事

僻居春事好，水曲亂花陰。浪過河移岸，雛成鳥別林。綠錢榆貫重，紅障杏籬深。莫飲宜城酒，愁多醉易沈。

紀村事

綠蔓暎雙扉，循牆一徑微。雨多庭果爛，稻熟渚禽肥。釀酒迎新社，遙砧送暮暉。數聲牛上笛，何處餉田歸？

題許僊師院

地古多喬木，遊人到且吟。院開金鑲澁，門曠綠篁深。山色不離眼，鶴聲長在琴。往來誰與熟？乳鹿住前林。

離筵訴酒

感君情重惜分離，送我慇懃酒滿卮。不是不能判酩酊，却憂前路醉醒時。



## 不寐

不寐天將曉，心勞轉似灰。蚊吟頻到耳，鼠鬪競緣臺。戶闌知蟾落，林喧覺雨來。馬嘶朝客過，知是禁門開。

## 贈武處士

一身唯一室，高靜若僧家。掃地留疎影，穿池浸落霞。綠蘿臨水合，白道向村斜。賣藥歸來醉，吟詩倚釣查。

## 題吉澗盧拾遺莊

主人西遊去不歸，滿谿春雨長春薇。怪來馬上訴情好，印破青山白鷺飛。

## 題潁源廟

曾是巢由棲隱地，百川唯說潁源清。微波乍向雲根吐，去浪遙衝雪嶂橫。萬木倚簷疎幹直，羣峯

當戶曉嵐晴。臨川試問堯年事，猶被封人勸濯纓。

### 東遊遠歸

扣角干名計已疎，劍歌休恨食無魚。辭家柳絮三春半，臨路槐花七月初。江上欲尋漁父醉，日邊時得故人書。青雲不識揚生面，天子何由問子虛？

### 新正日商南道中作寄李明府

相看又見歲華新，依舊楊朱拭淚巾。踏雪偶因尋戴客，論文還比聚星人。嵩山不改千年色，洛邑長生一路塵。今日與君同避世，却憐無事是家貧。

### 春暮

一春春事好，病酒起常遲。流水綠縈砌，落花紅墮枝。樓高喧乳燕，樹密鬪雛鷗。不學山公醉，

將何自解頭？

哭麻處士

却到歌吟地，閑門草色中。百年流水盡，萬事落花空。總帳扃秋月，詩樓爨夜蟲。少微何處墮？留恨白楊風。

春早

聞鶯纔覺曉，閉戶已知晴。一帶窗間月，斜穿枕上生。

和夏人

閨門同隱士，不出動經時。靜閱王維畫，閑翻褚  
(缺一字) 棋。落泉當戶急，殘月下窗遲。却想從來意，譙周亦自嗤。

春愁

寓思本多傷，逢春恨更長。露霑湘竹淚，花墜越

梅粧。睡怯交加夢，閑傾瀲灩觴。後庭人不到，  
斜月上松篁。

晚春

花開疑乍富，花落似初貧。萬物不如酒，四時唯  
愛春。峨峨秦氏髻，皎皎洛川神。風月應相笑，  
年年醉病身。

題許渾詩卷

江南才子許渾詩，字字清新句句奇。十斛明珠量  
不盡，惠休虛作碧雲詞。

贈禮佛名者

何用辛勤禮佛名，我從無得到真庭。尋思六祖傳  
心印，可是從來讀藏經。

殘花

和煙和露雪離披，金葉紅鬚向滿枝。十日笙歌一

宵夢，苧蘿因雨失西施。

上元縣(浙西作)

南朝三十六英雄，角逐興亡盡此中。有國有家皆是夢，爲龍爲虎亦成空。殘花舊宅悲江令，落日青山弔謝公。止竟霸圖何物在？石麟無主臥秋風！

江上逢史館李學士

前年分袂陝城西，醉凭征軒日欲低。去浪指期魚必變，出門回首馬空嘶。關河自此爲征壘，城闕于今陷戰鞮。(時巢寇未平)誰謂世途陵是谷？燕來還識舊巢泥。

金陵圖

誰謂傷心畫不成？畫人心逐世人情。君看六幅南朝事，老木寒雲滿故城！

謁蔣帝廟

建業城邊蔣帝祠，素髯清骨舊風姿。江聲似激秦軍破，山勢如匡晉祚危。殘雪嶺頭明組練，晚霞簷外簇旌旗。金陵客路方流落，空祝迴鑾奠酒卮。

聞再幸梁洋

纔喜中原息戰聲，又聞天子幸巴西。延燒魏闕非關燕，大狩陳倉不爲雞。興慶玉龍寒自躍，昭陵石馬夜空嘶。遙思萬里行宮夢，太白山前月欲低。

王道者

五雲遙指海中央，金鼎曾傳肘後方。三島路歧空有月，十洲花木不知霜。因攜竹杖聞龍氣，爲使僊童帶橘香。應笑我曹身是夢，白頭猶自學詩狂。

## 陪金陵府相中堂夜宴

滿耳笙歌滿眼花，滿樓珠翠勝吳娃。因知海上神  
僊窟，只似人間富貴家。繡戶夜攢紅燭市，舞衣  
晴曳碧天霞。却愁宴罷青蛾散，楊子江頭月半  
斜。

## 和侯秀才同爻生泛舟谿中相招之作

嵇阮相將棹酒船，晚風侵浪水侵舷。輕如控鯉初  
離岸，遠似乘槎欲上天。雨外鳥歸吳苑樹，鏡中  
人入洞庭煙。憑君不用迴舟疾，今夜西江月正  
圓。

## 贈野童

羨爾無知野性真，亂搔蓬髮笑看人。閑衝暮雨騎  
牛去，肯問中興社稷臣。

## 代書寄馬

驅馳曾在五侯家，見說初生自渥洼。纍白似披梁

苑雪，頸肥如撲杏園花。休嫌綠綬嘶貧舍，好着紅纓入使衙。穩上雲衢千萬里，年年長踏魏堤沙。

題淮陰侯廟

滿把椒漿奠楚祠，碧幢黃鉞舊英威。能扶漢代成王業，忍見唐民陷戰機。雲夢去時高鳥盡，淮陰歸日故人稀。如何不借平齊策？空看長星落賊圍。

送崔郎中往使西川行在

拜書辭玉帳，萬里劍關長。新馬杏花色，綠袍春草香。一身朝玉陛，幾日過銅梁。莫戀爐邊醉，僊宮待侍郎。

潤州顯濟閣曉望

清曉水如鏡，隔江人似鷗。遠煙藏海島，初日照揚州。地壯孫權氣，雲凝庾信愁。一篷何處客？吟凭釣魚舟。



## 觀浙西府相畋遊

十里旌旗十萬兵，等閑遊獵出軍城。紫袍日照金  
鵝鬪，紅旆風吹畫虎猶。帶箭彩禽雲外落，避鵬  
寒兔月中驚。歸來一路笙歌滿，更有僊娥載酒  
迎。

宮莊(江南富民悉以犯酒沒家產因此詩諷之浙  
帥遂改酒法不入財產)

誰氏園林一簇煙？路人遙指盡長歎。桑田稻澤今  
無主，新犯香醪沒入官。

## 解維

又解征帆落照中，暮程還過秣陵東。二年辛苦煙  
波裏，贏得風姿似釣翁。

## 雨霽池上作呈侯學士

鹿巾藜杖葛衣輕，雨歇池邊晚吹清。正是如今江

上好，白鱗紅稻紫蓴羹。

### 寓言

爲儒逢世亂，吾道欲何之？學劍已應晚，歸山今又遲。故人三載別，明月兩鄉悲。惆悵滄江上，星星鬢有絲！

### 哭同舍崔員外

却到同遊地，三年一電光。池塘春草在，風燭故人亡。祭罷泉聲急，齋餘磬韻長。碧天應有恨，斜日弔松篁。

### 題姑蘇凌處士莊

一簇林亭返照間，門當官道不曾關。花深遠岸黃鸝鬧，雨急春塘白鷺閑。載酒客尋吳苑寺，倚樓僧看洞庭山。怪來話得僊中事，新有人從物外還。

## 過當塗縣

客過當塗縣，停車訪舊遊。謝公山有墅，李白酒無樓。  
采石花空發，烏江水自流。夕陽誰共感？寒鷺立汀洲。

## 江亭酒醒却寄維揚餞客

別筵人散酒初醒，江步黃昏雨雪零。滿坐綺羅皆不見，  
覺來紅樹背銀屏。

## 臺城

江雨霏霏江草齊，六朝如夢鳥空啼。無情最是臺城柳，  
依舊煙籠十里堤。

## 贈漁翁

草衣荷笠鬢如霜，自說家編楚水陽。滿岸秋風吹枳橘，  
遶陂煙雨種菰蔣。蘆刀夜鱸紅鱗膩，木甌朝蒸紫芋香。  
曾向五湖期范蠡，爾來空闊久相忘。

過揚州

當年人未識兵戈，處處青樓夜夜歌。花發洞中春日永，月明衣上好風多。淮王去後有雞犬，煬帝歸來葬綺羅。二十四橋空寂寂，綠楊摧折舊官河！

寄右省李起居

已向鴛行接鴈行，便應雙拜紫微郎。纔聞闕下徵書急，已覺回朝草詔忙。白馬似憐朱紱貴，綵衣遙惹御爐香。多慚十載遊梁客，(缺一字)換青襟侍素王。

鑷白

白髮太無情，朝朝鑷又生。始因絲一縷，漸至雪千莖。不避佳人笑，唯慚稚子驚。新年過半百，猶歎未休兵。

## 漳亭驛小櫻桃

當年此樹正花開，五馬僊郎載酒來。李白已亡工部死，何人堪伴玉山頽！

## 酬吳秀才雪川相送

一葉南浮去似飛，楚鄉雲水本無依。離心不忍聞春鳥，病眼何堪送落暉。摻袂客從花下散，棹舟人向鏡中歸。夫君別我應惆悵，十五年來識素衣。

## 對雨獨酌

榴花新釀綠於苔，對雨閑傾滿滿盃。荷鍤醉翁真達者，臥雲逋客竟悠哉。能詩豈是經時策，愛酒元非命世才。門外綠蘿連洞口，馬嘶應是步兵來。

夏初與侯補闕江南有約同泛淮汴西赴  
行朝莊自九驛路先至甬橋補闕由淮楚

續至泗上寢病旬日遽聞捐館迴首悲慟

因成長句四韻弔之已後自浙西遊汴宋路至

陳倉迎駕却過昭義相州路歸金陵作)

本約同來謁帝闈，忽隨川浪去東奔。九重聖主方  
虛席，千里高堂尙倚門。世德只應榮伯仲，時名  
終自付兒孫。遙憐月落清淮上，寂寞何人弔旅  
魂!?

### 汴堤行

欲上隋堤舉步遲，隔雲烽燧叫非時。纔聞破虜將  
休馬，又道征遼再出師。朝見西來爲過客，暮看  
東去作浮屍。綠楊千里無飛鳥，日落空投舊店  
基!

旅次甬西見兒童以竹槍紙旗戲爲陣列

主人叟曰斯子也三世沒于陣思所襲祖

父讎余因感之

已聞三世沒軍營，又見兒孫學戰爭。見爾此言堪

慟哭，遣子何日望時平！

自孟津舟西上雨中作

秋煙漠漠雨濛濛，不卷征帆任晚風。百口寄安滄海上，一身逃難綠林中。來時楚岸楊花白，去日隋堤蓼穗紅。却到故園翻似客，歸心迢遞秣陵東。

含山店夢覺作

曾爲流離慣別家，等閑揮袂客天涯。燈前一覺江南夢，惆悵起來山月斜。

題貂黃嶺官軍

散騎蕭蕭下太行，遠從吳會去陳倉。斜風細雨江亭上，盡日凭欄憶楚鄉。

過內黃縣

相州吹角欲斜陽，匹馬搖鞭宿內黃。僻縣不容投

刺客，野陂時遇射鵰郎。雲中粉堞新城壘，店後  
荒郊舊戰場。獨指去程千萬里，秣陵煙樹在何  
鄉？

雜感

莫悲建業荆榛滿，昔日繁華是帝京。莫愛廣陵臺  
榭好，也曾蕪沒作荒城。魚龍爵馬皆如夢，風月  
煙花豈有情。行客不勞頻悵望，古來朝市歎衰  
榮！

垣縣山中尋李書記山居不遇留題河次  
店

白雲紅樹崕嶼東，名鳥羣飛古畫中。僊吏不知何  
處隱？山南山北雨濛濛。

送人遊并汾

風雨蕭蕭欲暮秋，獨攜孤劍塞垣遊。如今虜騎方  
南牧，莫過陰關第一州。



李氏小池亭十二韻(時在婺州寄居作)

積石亂巉巖，庭莎綠不芟。小橋低跨水，危檻半依巖。花落魚爭啜，纓紅鳥競鶻。引泉疏地脈，掃絮積山嵌。古柳紅綃織，新篁紫綺緘。養猿秋嘯月，放鶴夜棲杉。枕簟谿雲膩，池塘海雨鹹。語窗雞逞辨，砥鼎犬偏饑。踏蘚青粘屐，攀蘿綠暎衫。訪僧舟北渡，貫酒日西銜。遲客登高閣，題詩透翠岫。家藏何所寶？清韻滿琅函。

## 遣興

如幻如泡世，多愁多病身。亂來知酒聖，貧去覺錢神。異國清明節，空江寂寞春。聲聲林上鳥，喚我北歸秦。

## 婺州和陸諫議將赴闕懷陽羨山居

望闕路仍遠，子牟魂欲飛。道開燒藥鼎，僧寄臥雲衣。故國饒芳草，他山掛夕暉。東陽雖勝地，

王粲奈思歸。

江上題所居

故人相別盡朝天，苦竹江頭獨閉關。落日亂蟬蕭帝寺，碧雲歸鳥謝家山。青州從事來偏熟，泉布先生老漸慳。不是對花長酩酊，永嘉時代不如閑。

婺州屏屋蒙右省王拾遺車枉降訪病中  
延候不得因成寄謝

三年流落臥漳濱，王粲思家拭淚頻。畫角莫吹殘月夜，病心方憶故園春。自爲江上樵蘇客，不識天邊侍從臣。怪得白鷗驚去盡，綠蘿門外有朱輪。

將卜蘭芷村居留別郡中在仕

蘭芷江頭寄斷蓬，移家空載一帆風。伯倫嗜酒還因亂，平子歸田不爲窮。避世漂零人境外，結茅

依約畫屏中。從今隱去應難覓，深入蘆花作釣翁。

和陸諫議避地寄東陽進退未決見寄

未歸天路紫雲深，暫駐東陽歲月侵。入洛聲華當世重，闕周章句滿朝吟。開爐夜看黃芽鼎，臥瓮閑歌白玉簪。讀易草玄人不會，憂君心是致君心。

山墅閑題

邈迤前岡壓後岡，一川桑柘好殘陽。主人饋餉炊紅黍，鄰父攜竿釣紫魴。靜極却嫌流水鬧，閑多翻笑野雲忙。有名不彀無名客，獨閉衡門避建康。

江上逢故人

前年送我曲江西，紅杏園中醉似泥。今日逢君越谿上，杜鵑花發鷓鴣啼。來時舊里人誰在？別後

滄波路幾迷。江畔玉樓多美酒，仲宣懷土莫淒淒！

旅中感遇寄呈李祕書昆仲

南望愁雲鑲翠微，謝家樓閣雨霏霏。劉禎病後新詩少，阮籍貧來好客稀。猶喜故人天外至，許將孤劍日邊歸。懷鄉不怕嚴陵笑，只待秋風別釣磯。

送范評事入關

寂寥門戶寡相親，日日頻來只有君。正喜琴樽長作伴，忽攜書劍遠辭羣。傷心柳色離亭見，聒耳蟬聲故國聞。爲報明年否園客，與留絕艷待終軍。

東陽酒家贈別二絕句

送君同上酒家樓，酩酊翻成一笑休。正是落花饒悵望，醉鄉前路莫回頭。

天涯方歎異鄉身，又向天涯別故人。明日五更孤店月，醉醒何處淚霑巾！

### 江上村居

本無蹤跡戀柴扃，世亂須教識道情。顛到夢魂愁裏得，擬奇詩句望中生。花緣艷絕栽難好，山爲看多詠不成。聞道漢軍新破虜，使來仍說近離京。

### 江外思鄉

年年春日異鄉悲，杜曲黃鶯可得知。更被夕陽江岸上，斷腸煙柳一絲絲。

### 和鄭拾遺秋日感事一百韻

禍亂天心厭，流離客思傷。有家拋上國，無罪謫遐方。負笈將辭越，揚帆欲泛湘。避時難駐足，感事易回腸。雅道何銷德，妖星忽耀芒。中原初縱燎，下國竟探湯。盜據三秦地，兵纏八水鄉。

戰塵輕犯闕，羽旆遠巡梁。自此修文代，俄成講武場。熊羆驅涿鹿，犀象走昆陽。御馬迷新棧，宮娥改舊粧。五丁功再覩，八難事難忘。鳳引金根疾，兵環玉弩彊。建牙雖可恃，摩壘詎能防？霍廟神遐遠，圮橋路杳茫。出師威似虎，禦敵復如羊。眉畫猶思赤，巾裁未厭黃。辰趨鳴鐵騎，夜舞挹瓊觴。僭侈彤襜亂，諠呼繡鬣攘。但聞爭曳組，詎見學垂韁。鵠印提新篆，龍泉奪曉霜。軍威徒逗撓，我武自惟揚。負屐勞天眷，凝旒念國章。繡旗張畫獸，寶馬躍紅鴛。但欲除妖氣，甯思蔽耿光。曉煙生帝里，夜火入春坊。烏怪巢宮樹，狐驕上苑牆。設危終在德，視履豈無祥。氣激雷霆怒，神驅岳瀆忙。功高分虎節，位下恥龍驤。遍命登壇將，巡封異姓王。志求扶墜典，力未振頽綱。漢路閑鷗鷺，雲衢駐驪驄。寶裝軍器麗，麝擗戰袍香。日覩兵書捷，時聞虜騎亡。人心驚解豸，雀意伺螳螂。上略咸推妙，前鋒詎可當。紆金光照耀，執玉意藏昂。覆餗非無謂，

奢華事每詳。四民皆組綬，九土墮耕桑。飛騎黃金勒，香車翠佃裝。八珍羅膳府，五采鬪筐牀。宴集喧華第，歌鍾簇畫樑。永期傳子姓，甯誤犯天狼。未覩君除側，徒思玉在傍。竄身奚可保？易地喜相將。國運方夷險，天心詎測量？九流雖暫蔽，二柄豈相妨？小孽乖躔次，中興繫昊蒼。法堯功已普，罪己德非涼。帝念惟思理，臣心豈自遑？詔催青瑣客，時待紫微郎。定爲輸宸算，勝災滅御梁。皇恩思蕩蕩，睿澤轉洋洋。偃臥雖非晚，艱難亦備嘗。舜庭招諫鼓，漢殿上書囊。儉德遵三尺，清朝俟一匡。世隨漁父醉，身效接輿狂。竄逐同天寶，遭罹異建康。道孤悲海澨，家遠隔天潢。卒歲貧無褐，經秋病泛漳。似魚甘去乙，比蟹未成筐。守道慚無補，趨時愧不臧。殷牛常在耳，晉豎欲潛盲。忸恨山思板，懷歸海欲航。角吹魂悄悄，笛引淚浪浪！亂覺乾坤窄，貧知日月長。勢將隨鶴列，忽喜遇鴛行。已報新迴駕，仍聞近納隍。文風銷劍楯，禮物換旂裳。

紫闕重開序，青衿再設庠。黑頭期命爵，頰尾尙憂魴。吳坊嘶騏驥，岐山集鳳皇。詞源波浩浩，諫署玉鏘鏘。飼雀曾傳慶，烹蛇詎有殃？弢弓揮勁鏃，匣劍淬神鋦。諤諤甯慚直，堂堂不謝張。曉風趨建禮，夜月直文昌。去國時雖久，安邦志不常。良金鑪自躍，美玉櫝難藏。北望心如旆，西歸律變商。跡隨江燕去，心逐塞鴻翔。晚翠籠桑塢，斜暉掛竹堂。路愁千里月，田愛萬斯箱。伴釣歌前浦，隨樵上遠崗。鷺眠依晚嶼，鳥浴上枯楊。驚夢緣欹枕，多吟爲倚廊。訪僧紅葉寺，題句白雲房。帆外青楓老，樽前紫菊芳。夜燈銀耿耿，曉露玉瀼瀼。異國慚傾蓋，歸塗俟併糧。身雖留震澤，心已過雷塘。執爰知誰在？家山各已荒。海邊登桂檝，煙外泛雲牆。巢樹禽思越，嘶風馬戀羌。寒聲愁聽杵，空館厭聞蟹。望闕飛華蓋，趨朝振玉璫。米慚無薏苡，麵喜有桃榔。話別心重結，傷時淚一滂！佇歸蓬島後，綸詔潤青絳。



## 夢入關

夢中乘傳過關亭，南望蓮峯簇簇青。馬上正吟歸  
去好，覺來江月滿前庭。

## 送人歸上國

送君江上日西斜，泣向江邊滿樹花。若見青雲舊  
相識，爲言流落在天涯。

## 聞春鳥

雲晴春鳥滿江村，還似長安舊日聞。紅杏花前應  
笑我，我今憔悴亦羞君。

## 櫻桃樹

記得初生雪滿枝，和蜂和蝶帶花移。如今花落遊  
蜂去，空作主人惆悵詩，

## 獨鶴

夕陽灘上立徘徊，紅蓼風前雪翅開。應爲不知棲宿處，幾迴飛去又飛來？

新栽竹

寂寞堦前見此君，遶欄吟罷却沾巾。異鄉流落誰相識？唯有叢篁似主人。

稻田

綠波春浪滿前陂，極目連雲粳稷肥。更被鷺鷥千點雪，破煙來入畫屏飛。

庭前菊

爲憶長安爛開，我今移爾滿庭栽。紅蘭莫笑青青色，曾向龍山泛酒來，

燕來

去歲辭巢別近隣，今來空訝草堂新。花開對語應相問，不是村中舊主人。

## 倚柴關

杖策無言獨倚關，如癡如醉又如閑。孤吟盡日何人會？依約前山似故山。

## 題七步廊

席門無計那殘陽，更接簷前七步廊。不羨東都丞相宅，每行吟得好篇章。

## 語松竹

庭前芳草綠於袍，堂上詩人欲二毛。多病不禁秋寂寞，雨松風竹莫騷騷。

不出院楚公(自三衢至江西作)

一自禪關閉，心猿日漸馴。不知城郭路，稀識市朝人。履帶階前雪，衣無寺外塵。却嫌山翠好，詩客往來頻。

江邊吟

江邊烽燧幾時休？江上行人雪滿頭。誰信亂離花  
不見；只應惆悵水東流！陶潛政事千杯酒；張翰  
生涯一葉舟。若有片帆歸去好，可堪重倚仲宣  
樓。

江南送李明府入關

雨花煙柳傍江村，流落天涯酒一罇。分首不辭多  
下淚，迴頭唯恐更消魂！我爲孟館三千客，君繼  
甯王五代孫。正是中興磐石重，莫將顛顛入都  
門。

送福州王先輩南歸

豫章城下偶相逢，自說今方遇至公。八韻賦吟梁  
苑雪，六銖衣惹杏園風。名標玉籍僊壇上，家寄  
閩山畫障中。明日一杯何處別？綠楊煙岸雨濛  
濛。

## 夜雪泛舟遊南溪

大江西面小溪斜，入竹穿松似若耶。兩岸嚴風吹玉樹，一灘明月曬銀砂。因尋野渡逢漁舍，更泊前灣上酒家。去去不知歸路遠，棹聲煙裏獨嘔啞。

## 江行西望

西望長安白日遙，半年無事駐蘭橈。欲將張翰秋江雨，畫作屏風寄鮑昭。

## 銅儀

銅儀一夜變葭灰，暖律還吹嶺上梅。已喜漢官今再覩，更驚堯曆又重開。窗中遠岫青如黛，門外長江綠似苔。誰念閉關張仲蔚？滿庭春雨長蒿萊。

## 含香

含香高步已難陪，鶴到清霄勢未迴。遇物旋添芳

草句，逢春甯滯碧雲才。微紅幾處花心吐，嫩綠誰家柳眼開。却去金鑾爲近侍，便辭鷗鳥不歸來。

春雲

春雲春水兩溶溶，倚郭樓臺晚翠濃。山好只因人化石，地靈曾有劍爲龍。官辭鳳闕頻經歲，家住蛾眉第幾峯。王粲不知多少恨，夕陽吟斷一聲鍾！

雲散

雲散天邊落照和，關關春樹鳥聲多。劉伶避世唯沈醉，甯戚傷時亦浩歌。已恨歲華添皎鏡，更非人事逐頽波。青雲自有鷓鴣待，莫說他山好薜蘿。

袁州作

家家生計只琴書，一郡清風似魯儒。山色東南連

紫府，水聲西北屬洪都。煙霞盡入新詩卷，郭邑  
閑開古畫圖。正是江村春酒熟，更聞春鳥勸提  
壺。

### 題袁州謝秀才所居

主人年少已能詩，更有松軒掛夕暉。芳草似袍連  
徑合，白雲如鳥傍簷飛。但將竹葉消春恨，莫遣  
楊花上客衣。若有前山好煙雨，與君吟到暝鐘  
歸。

### 謁巫山廟

亂猿啼處訪高唐，路入煙霞草木香。山色未能忘  
宋玉，水聲猶似哭襄王。朝朝暮暮陽臺下，爲雨  
爲雲楚國亡。惆悵廟前無限（一作多少）柳，春來空  
鬪畫眉長。

### 鷓鴣

南禽無侶似相依，錦翅雙雙傍馬飛。孤竹廟前啼

暮雨，汨羅祠畔弔殘暉。秦人只解歌爲曲，越女  
空能畫作衣。懊惱澤家非有恨，年年長恨鳳城  
(一作皇)歸。(懊惱澤家鷓鴣之音也)

### 宿蓬船

夜來江雨宿蓬船，臥聽淋鈴不忍眠。却憶紫微情  
調逸，阻風中酒過年年。

### 送李秀才歸荆溪

八月中秋月正圓，送君吟上木蘭船。人言格調勝  
玄度，我愛篇章敵浪僊。晚渡去時衝細雨，夜灘  
何處宿寒煙？楚王宮去陽臺近，莫倚風流滯少  
年！

### 洪州送西明寺省上人遊福建

記得初騎竹馬年，送師來往御溝邊。荆榛已失當  
時路，槐柳全無舊日煙。遠自稽山遊楚澤，又從  
廬岳去閩川。新春闕下應相見，紅杏花中覓酒



僊。

### 建昌渡暝吟

月照臨官渡，鄉情獨浩然。鳥棲彭蠡樹，月上建昌船。市散漁翁醉，樓深賈客眠。隔江何處笛？吹斷綠楊煙。

### 歲除對王秀才作

我惜今宵促，君愁玉漏頻。豈知新歲酒，猶作異鄉身。雪向寅前凍，花從子後春。到明追此會，俱是隔年人。

### 酒渴愛江清

酒渴何方療，江波一掬清。瀉甌如練色，漱齒作泉聲。味帶他山雪，光含白露精。只應千古後，長稱伯倫情。

### 和李秀才郊墅早春吟興十韻

暖律變寒光，東君景漸長。我悲遊海嶠，君說住柴桑。雪色隨高嶽，冰聲陷古塘。草根微吐翠，梅朵半含霜。酒市多逋客，漁家足夜航。匡廬雲傍屋，彭蠡浪衝牀。綠擺楊枝嫩，紅挑菜甲香。鳳凰城已盡，鸚鵡賦應狂。佇見龍辭沼，寧憂雁失行。不應雙劍氣，長在斗牛傍。

### 泛鄱陽湖

四顧無邊鳥不飛，大波驚隔楚山微。紛紛雨外靈均過，瑟瑟雲中帝子歸。迸鯉似梭投遠浪，小舟如葉傍斜暉。鷓夷去後何人到，愛者雖多見者稀。

### 黃藤山下聞猿

黃藤山下駐歸程，一夜號猿弔旅情。入耳便能生百恨，斷腸何必待三聲？穿雲宿處人難見，望月啼時兔正明。好笑五陵年少客，壯心無事也沾纓。

## 章江作

杜陵歸客正徘徊，玉笛誰家叫落梅？之子棹從天外去，故人書自日邊來。楊花慢惹霏霏雨，竹葉閑傾滿滿杯。欲問惟揚（一作旌陽）舊風月，一江紅樹亂猿哀！

## 南遊富陽江中作

南去又南去，此行非自期。一帆雲作伴，千里月相隨。浪跡花應笑，衰容鏡每知。鄉園不可問，禾黍正離離！

饒州餘干縣琵琶洲有故韓賓客宣城裴  
尚書修行李侍郎舊居遺址猶存客有過  
之感舊因以和吟

琵琶洲近斗牛星，鸞鳳曾於此放情。已覺地靈因  
昴降，更聞川媚有珠生。一灘紅樹留佳氣，萬古  
清絃續政聲。戟戶盡移天上去，里人空說舊簪

纓

### 九江逢盧員外

前年風月宿琴堂，大媚僊山近帝鄉。別後幾沾新雨露，亂來猶記舊篇章。陶潛豈是銅符吏，田鳳終爲錦帳郎。莫怒相逢倍惆悵，九江煙月似瀟湘。

### 南昌晚眺(一作興)

南昌城郭枕江煙，章水悠悠浪拍天。芳草綠遮僊尉宅，落霞紅襯買人船。霏霏閣上千山雨，嘒嘒雲中萬樹蟬。怪得地多章句客，庾家樓在斗牛邊。

### 衢州江上別李秀才

千山紅樹萬山雲，把酒相看日又曛。一曲離歌兩行淚，更知何地再逢君？！

## 湘中作

千重煙樹萬重波，因便何妨弔汨羅。楚地不知秦地亂，南人空怪北人多。臣心未肯教遷鼎，天道還應欲止戈。否去泰來終可待，夜寒休唱飯牛歌。

## 桐廬縣作

錢塘江盡到桐廬，水碧山青畫不如。白羽鳥飛巖子瀨，綠蓑人釣季鷹魚。潭心倒影時開合，谷口閑雲自卷舒。此境只應詞客愛，投文空弔木玄虛。

## 東陽贈別

繡袍公子出旌旗，送我搖鞭入翠微。大抵行人難訴酒，就中辭客易沾衣。去時此地題橋去，歸日何年佩印歸？無限別情言不得，回看谿柳恨依依！

寄湖州舍弟

半年江上愴離襟，把得新詩喜又吟。多病似逢秦氏藥，久貧如得顧家金。雲煙但有穿楊志，塵土都無作吏心。何況別來詞轉麗，不愁明代少知音。

信州西三十里山名僊人城下有月巖山  
其狀秀拔中有山門如滿月之狀余因行  
役過其下聊賦是詩

驅車過閩越，路出饒陽西。僊山翠如畫，簇簇生虹蜺。羣峯若侍從，衆阜如嬰提。巖巒互吞吐，嶺岫相追攜。中有月輪滿，皎潔如圓珪。玉皇恣遊覽，到此神應迷。常娥曳霞帔，引我同攀躋。騰騰上天半，玉鏡懸飛梯。瑤池何悄悄，鸞鶴煙中棲。回頭望塵世，露下寒淒淒。

婺州水館重陽日作

異國逢佳節，憑高獨苦吟。一杯今日酒，萬里故

鄉心。水館紅蘭合，山城紫菊深。白衣雖不至，  
鷗鳥自相尋。

避地越中作

避世移家遠，天涯歲已周。豈知今夜月，還是去  
年愁。露果珠沈水，風螢燭上樓。傷心潘騎省，  
華髮不禁秋！

撫州江口雨中作

江上閑衝細雨行，滿衣風灑綠荷聲。金驄掉尾橫  
鞭望，猶指廬陵半日程。

信州谿岸夜吟作

夜倚臨谿店，懷鄉獨苦吟。月當山頂出，星倚水  
湄沉。霧氣漁燈冷，鐘聲谷寺深。一城人悄悄，  
琪樹宿僊禽。

訪潯陽友人不遇

不見安期悔上樓，寂寥人對鷺鷥愁。蘆花雨急江煙暝，何處潺潺獨棹舟？

東林寺再遇僧益大德

見師初事懿皇朝，三殿歸來白馬驕。上講每教傾國聽，承恩偏得內官饒。當時可愛人如畫，今日相逢鬢已凋。若向君門逢舊爻，爲傳音信到(缺一字)霄。

西塞山下作

西塞山前水似藍，亂雲如絮滿澄潭。孤峯漸暎溢城北，片月斜生夢澤南。爨動曉煙烹紫鱖，露和香蒂摘黃柑。他年却棹扁舟去，終傍蘆花結一菴。

齊安郡

弭棹齊安郡，孤城百戰殘。傍村林有虎，帶郭縣無官。暮角梅花怨，清江桂影寒。黍離緣底事，



撩我起長歎。

### 夏口行寄婺州諸弟

迴頭煙樹各天涯，婺女星邊遠寄家。盡眼楚波連  
夢澤，滿衣春雪落江花。雙雙得伴爭如鴈，一一  
歸巢却羨鴉。誰道我隨張博望，悠悠空外泛僂  
槎。

### 南省仲直(甲寅年自江南到京後作)

文昌二十四僊曹，盡倚紅簷種露桃。一洞煙霞人  
迹少，六行槐柳鳥聲高。星分夜彩寒侵帳，蘭惹  
春香綠暎袍。何事愛留詩客宿，滿庭風雨竹蕭  
騷。

### 鄂杜舊居二首

却到山陽事事非，谷雲谿鳥尚相依。阮咸貧去田  
園盡，向秀歸來父老稀。秋雨幾家紅稻熟？野塘  
何處錦鱗肥？年年爲獻東堂策，長是蘆花別釣

磯。

一徑尋村渡碧谿，稻花香澤水千畦。雲中寺遠聲難識，竹裏巢深鳥易迷。紫菊亂開連井合，紅榴初綻拂簷低。歸來滿把如澆酒，何用傷時歎鳳兮！

### 寄江南諸弟

萬里逢歸鴈，鄉書忍淚封。吾身不自保，爾道各何從？性拙唯多蹇，家貧半爲慵。祇思谿影上，臥看玉華峯。

### 投寄舊知

却將顛顛入都門，自喜煙霄足故人。萬里有家留百越，十年無路到三秦。摧殘不是當時貌，流落空餘舊日貧。多謝青雲好知己，莫教歸去重沾巾！

癸丑年下第獻新先輩

五更殘月省牆邊，絳旆蜺旌卓曉煙。千炬火中鶯  
出谷，一聲鐘後鶴冲天。皆乘駿馬先歸去，獨被  
羸童笑晚眠。對酒暫時情豁爾，見花依舊涕潛  
然！未酬闕澤傭書債，猶欠君平賣卜錢。何事欲  
休休不得，來年公道似今年。

題汧陽縣馬跑泉李學士別業

水滿寒塘菊滿籬，籬邊無限彩禽飛。西園夜雨紅  
櫻熟，南畝秋風白稻肥。草色自留閑客住，泉聲  
如待主人歸。九霄歧路忙於火，肯戀斜陽守釣  
磯。

絳州過夏留獻鄭尚書

朝朝沉醉引金船，不覺西風滿樹蟬。光景暗消銀  
燭下，夢魂長寄玉輪邊。因循每被時流誚，奮發  
須由國士憐。明日客腸何處斷？綠槐風裏獨揚  
鞭。

綏州作

雕陰無樹水難流，雉堞連雲古帝州。帶雨晚鴉鳴  
遠戍，望鄉孤客倚高樓。明妃去日花應笑，蔡琰  
歸時鬢已秋。一曲單于暮烽起，扶蘇城上月如  
鉤。

與東吳生相遇(及第後出關作)

十年身事各如萍，白首相逢淚滿纓。老去不知花  
有態，亂來唯覺酒多情。貧疑陋巷春偏少，貴想  
豪家月最明。且(一作獨)對一罇開口笑，未衰應見  
秦階平。

庭前桃

曾向桃源爛漫遊，也同漁父泛僊舟。皆言洞裏千  
株好，未勝庭前一樹幽。帶露似垂湘女淚，無言  
如伴息媯愁。五陵公子饒春恨，莫引香風上酒  
樓。

## 丙辰年鄜州遇寒食城外醉吟七言五首

滿街楊柳綠絲煙，畫出清明二月天。好是隔簾花樹動，女郎撩亂送鞦韆。

淮陰寒食足遊人，金鳳羅衣濕麝薰。腸斷入城芳草路，淡紅香白一羣羣。

開元坡下日初斜，拜掃歸來走鈿車。可惜數枝紅豔好，不知今夜落誰家？

馬驕風疾玉鞭長，過去唯留一陣香。閉客不須燒破眼，好花皆屬富家郎。

雨絲煙柳欲清明，金屋人閑煖鳳笙。永日(一作晝)迢迢無一事，隔街聞築氣毬聲。

## 宜君縣北卜居不遂留題王秀才別墅二首

本期同此臥林丘，檣柁爐前擁布裘。何事却(缺一字)羸馬去，白雲紅樹不相留。

明月聲霜撲阜貂，羨君高臥正逍遙。門前積雪深三尺，火滿紅爐酒滿瓢。

鄆州留別張員外

江南相送君山下，塞北相逢朔漠中。三楚故人皆是夢，十年陳事只如風。莫言身世他皆異，且喜琴罇數日同。惆悵卻愁明日別，馬嘶山店雨濛濛。

病中聞相府夜宴戲贈集賢盧學士

滿筵紅蠟照香鈿，一夜歌鐘欲沸天。花裏亂飛金錯落，月中爭認繡連乾。罇前莫話詩三百，醉後寧辭酒十千。無那兩三新進士，風流長得飲徒憐。

出關

馬嘶烟岸柳陰斜，東去(一作回首)關山路轉賒。到處因循緣嗜酒，一生惆悵爲判花。危岑祇合身無著，白日那堪事有涯。正是灞陵春耐綠，仲宣何事獨辭家？

過樊川舊居(時在華州駕前奉使入蜀作)

却到樊川訪舊遊，夕陽衰草杜陵秋。應劉去後苔生閣，嵇阮歸來雪滿頭。能說亂離唯有燕，解偷閑暇不如鷗。千桑萬海無人見，橫笛一聲空淚流！

長安舊里

滿日牆匡春草深，傷時傷事更傷心！車輪馬跡今何在？十二玉樓無處尋！

過漢陂懷舊

辛勤曾寄玉峯前，一別雲溪二十年。三徑荒涼迷竹樹，四隣凋謝變桑田。漢陂可是當時事，紫閣空餘舊日煙。多少亂離無處問，夕陽吟罷涕潸然！

汧陽間

汧水悠悠去似絢，遠山如畫翠眉橫。僧尋野渡歸吳嶽，鴈帶斜陽入渭城。邊靜不收蕃帳馬，地貧唯賣隴山鷄。牧童何處吹羌笛？一曲梅花出塞聲。

### 焦崖閣

李白曾歌蜀道難，長聞白日上青天。今朝夜過焦崖閣，始信星河在馬前。

### 雞公幘(去襄城二十里)

石狀雖如幘，山形可類雞。向風疑欲鬪，帶雨似聞啼。蔓織青籠合，松長翠羽低。不鳴非有意，爲怕客奔齊。

### 乞彩牋歌

浣花溪上如花客，綠闇紅藏人不識。留得溪頭瑟瑟波，潑成紙上猩猩色。手把金刀裁綠雲，有時剪破秋天碧。不使紅霓段段飛，一時驅上丹霞



壁。蜀客才多染不供，卓文醉後開無力。孔雀銜  
來向日飛，翩翩壓折黃金翼。我有歌詩一千首，  
磨礪山岳羅星斗。開卷長疑雷電驚，揮毫只怕龍  
蛇走。班班布在時人口，蒲軸松花都未有。人間  
無處買煙霞，須知得自神仙手。也知價重連城  
璧，一紙萬金猶不惜。薛濤昨夜夢中來，殷勤勸  
向君邊覓。

### 詠白牡丹

閨中莫妬啼妝婦，陌上須慚傅粉郎。昨夜月明清  
似水，入門惟覺一庭香。

### 秦婦吟

(上闕) 南鄰走入北鄰藏，東鄰走向西鄰避。北  
鄰諸婦咸相湊，戶外奔騰如走獸。轟轟焜焜乾坤  
動，萬馬雷聲從地湧。火迸金星上九天，十二官  
街烟炯炯。日輪西下寒光白，上帝無言空脈脈。  
陰雲暈氣若重圍，口者流星如血色。紫氣潛隨帝

座移，妖光暗射口星析。家家流血如泉沸，處處冤聲動地。舞伎歌姬盡黯然，嬰兒稚子皆生棄。東鄰有女眉新畫，傾國傾城不知價。長戈擁得上戎車，回首香閨淚盈把。旋抽金線學縫旗，旋上雕鞍教走馬。有時馬上見良人，不敢回眸空淚下。西鄰有女真仙子，一寸橫波剪秋水。妝成只對鏡中春，年幼不知門外事。一夫跳躍上金階，斜袒半臂欲相恥。牽衣不肯出朱門，紅粉香脂刀下死。南鄰有女不記姓，昨日良媒新納聘。琉璃階上不聞聲，翡翠簾前空見影。忽驚庭際刀刃鳴，身首分離在俄頃。仰天掩面哭一聲，女弟女兄同入井。北鄰少婦行相促，旋折雲鬢拭眉綠。已聞擊托攘高門，不覺攀緣上重屋。須臾四門火光來，欲下危梯梯又摧。煙中大聲猶求救，梁上懸屍已作灰。妾身幸得全刀鋸，不敢踟躕久回顧。旋梳雲鬢逐軍行，強展蛾眉出門去。舊里從茲不得歸，六親自此無尋處。一從陷賊經三歲，終日憂驚心肝碎。夜臥千重劍戟圍，朝餐一味入

肝膾。鴛幃縱入豈成歡？寶貨雖多非所愛。蓬頭  
面垢眉猶赤，幾轉橫波看不得。衣裳顛倒語言  
異，面上誇功雕作字。柏臺多士盡狐精，蘭省諸  
郎皆鬼魅。還將短髮載華簪，不脫朝衣纏繡被。  
翻持象笏作三公，倒佩金魚爲兩制。朝奏朝對入  
朝堂，暮見喧呼來酒市。一聲五鼓人驚起，聲嘯  
喧爭如竊議。夜來探馬入黃城，昨日官軍收赤水。  
赤水去城一百里，朝若發兮暮應至。凶徒馬上  
暗吞聲，女伴閨中潛生喜。皆言冤情此日銷，必  
謂妖徒今日死。逡巡走馬傳聲急，又道軍前金陣  
入。大臺小臺相顧憂，三郎四郎抱鞍泣。汎汎數  
日無消息，必謂軍前已銜璧。簸旗掉劍却來歸，  
又道官軍屢敗績。四面從茲多厄束，一斗黃金一  
斗粟。尙浪廚中食木皮，黃巢機上割人肉。東南  
斷絕無糧道，溝壑漸平人漸少。六軍門外倚僵  
屍，七架營中填餓孛。長安寂寂今何有，廢市荒  
街麥苗秀。采樵斫盡杏園花，修寨誅殘御街柳。  
華軒繡轂皆消散，甲第朱門無一半。含元殿上狐

兔行，花萼樓前荆棘滿。昔時繁盛皆埋沒，舉目淒涼無故物。內庫燒爲錦繡灰，天街踏盡公卿骨。來時曉出城東陌，城上風烟如塞色。路旁時見游奕軍，坡下絕無迎送客。霸陵東望人烟絕，樹鎖鷓鴣山金翠滅。大道俱成棘子林，行人夜宿長口月。明朝曉至三峯路，百萬人家無一戶。破落田園但有蒿，摧殘竹樹皆無主。路旁試問金天神，金天無語愁於人。廟前古柏有殘折，殿上金爐火暗塵。一從狂寇陷中國，天地晦盲風雨黑。案前神水呪不成，壁上陰兵驅不得。閒日徒歎口響思，危時不助神通力。我今愧惡拙爲神，且向山中深壁匿。寰中簫管不曾聞，筵上犧牲無處覓。旋教覓(下闕)

浣花詩集

# 浣花詞集

## 訴衷情

燭燼香殘簾半卷，夢初驚。花欲謝，深夜，月籠明。何處按歌聲？輕輕，舞衣塵暗生，負春情。

## 又

碧沼紅芳烟雨靜，倚蘭橈。垂玉佩，交帶，嫋纖腰。鴛夢隔星橋，迢迢，越羅香暗銷，墜花翹。

## 天仙子

悵望前回夢裏期，看花不語苦尋思；露桃宮裏小腰肢，眉眼細，鬢雲垂，惟有多情宋玉知。

又

深夜歸來長酩酊，扶入流蘇猶未醒；醺醺酒氣麝蘭和，驚睡覺，笑呵呵，長笑人生能幾何！

又

蟾彩霜華夜不分，天外鴻聲枕上聞；繡衣香冷嬾重熏，人寂寂，葉紛紛，纔睡依前夢見君。

又

夢覺雲屏依舊空，杜鵑聲咽隔簾櫳；玉郎薄倖去無蹤，一日日，恨重重，淚界蓮頰兩線紅！

又

金似衣裳玉似身，眼如秋水鬢如雲；霞裙月帔一羣羣，來洞口，望烟分，劉阮不歸春日曛。

## 江城子

恩重嬌多情易傷，漏更長，解鴛鴦。朱唇未動，  
先覺口脂香。緩揭繡衾抽皓腕，移鳳枕，枕檀  
郎。

## 又

髻鬟狼藉黛眉長，出蘭房，別檀郎。角聲嗚咽，  
星斗漸微茫。露冷月殘人未起，留不住，淚千  
行！

## 定西番

挑盡金燈紅燼，火灼灼，漏遲遲，未眠時。斜倚  
銀屏無語，閑愁上翠眉。悶殺梧桐殘雨，滴相  
思。

## 又

芳草叢生縷結，花豔豔，雨濛濛，曉庭中。塞遠



久無音問，愁銷鏡裏紅。紫燕黃鸝猶至，恨何窮！

思帝鄉

雲髻墜，鳳釵垂。髻墜釵垂無力，枕函欹。翡翠屏深月落，漏依依。說盡人間天上，兩心知。

又

春日遊，杏花吹滿頭。陌上誰家年少，足風流？妾擬將身嫁與，一生休。縱被無情棄，不能羞。

上行杯

芳草灞陵春岸，柳烟深，滿樓弦管，一曲離歌腸寸斷。今日送君千萬，紅樓玉盤金鏤盞。須勸，珍重意，莫辭滿。

又

白馬玉鞭金轡，少年郎，離別容易。迢遞去程千

萬里。惆悵異鄉雲水滿，酌一杯，勸和淚。須  
愧，珍重意，莫辭醉。

### 酒泉子

月落星沉，樓上美人春睡。綠雲歛，金枕膩，畫  
屏深。子規啼破相思夢，曙色東方纔動。柳烟  
輕，花露重，思難任。

### 女冠子

四月十七，正是去年今日。別君時，忍淚佯低  
面，含羞半斂眉。不知魂已斷，空有夢相隨。  
除却天邊月，沒人知。

### 又

昨夜夜半，枕上分明夢見。語多時，依舊桃花  
面，頻低柳葉眉。半羞還半喜，欲去又依依。  
覺來知是夢，不勝悲！

浣溪沙

清曉妝成寒食天，柳毵斜嬾間花鈿，卷簾直出畫堂前。指點牡丹初綻朵，日高猶自凭朱闌，含嚙不語恨春殘。

又

欲上鞦韆四體慵，擬交人送又心忪，畫堂簾幕月明風。此夜有情誰不極，隔牆梨雪又珍瓏，玉容憔悴惹微紅。

又

惆悵夢餘山月斜，孤燈照壁背紅紗，小樓高閣謝娘家。暗想玉容何所似？一枝春雪凍梅花，滿身香霧簇朝霞。

又

綠樹藏鶯鶯正啼，柳絲斜拂白銅鞮，弄珠江上草萋萋。日暮飲歸何處客？繡鞍驄馬一聲嘶，滿

身蘭麝醉如泥。

又

夜夜相思更漏殘，傷心明月照闌干，想君思我錦  
衾寒。 咫尺畫堂深似海，憶來惟把舊書看，幾  
時攜手入長安？

歸國遙

春欲暮，滿地落花紅帶雨。惆悵玉籠鸚鵡，單棲  
無伴侶。 南望去程何許？問花花不語。早晚得  
同歸去，恨無雙翠羽。

又

金翡翠，爲我南飛傳我意。罨畫橋邊春水，幾年  
花下醉。 別後只知相愧，淚珠難遠寄。羅幕繡  
幃鴛被，舊歡如夢裏。

又

春欲晚，戲蝶遊蜂花爛熳。日落謝家池館，柳絲金縷斷。睡覺綠鬟風亂，畫屏雲雨散。閑倚博山長歎，淚流霑皓腕。

菩薩蠻

紅樓別夜堪惆悵，香燈半卷流蘇帳。殘月出門時，美人和淚辭。琵琶金翠羽，弦上黃鶯語。勸我早歸家，綠窗人似花。

又

人人盡說江南好，遊人只合江南老。春水碧於天，畫船聽雨眠。壚邊人似月，皓腕凝雙雪。未老莫還鄉，還鄉須斷腸。

又

如今却憶江南樂，當時年少春衫薄。騎馬倚斜橋，滿樓紅袖招。翠屏金屈曲，醉入花叢宿。此度見花枝，白頭誓不歸。

又

勸君今夜須沈醉，尊前莫話明朝事。珍重主人  
心，酒深情亦深。須愁春漏短，莫訴金杯滿。  
遇酒且呵呵，人生能幾何！

又

洛陽城裏春光好，洛陽才子他鄉老。柳暗魏王  
堤，此時心轉迷。桃花春水漲，水上鴛鴦亂。  
凝恨對殘暉，憶君君不知。

更漏子

鐘鼓寒，樓閣暝，月照古銅金井。深院閉，小庭  
空，落花香露紅。烟柳重，春霧薄，燈背水窗  
高閣。閑倚戶，暗霑衣，待郎郎不歸。

謁金門

春雨足，染就一溪新綠。柳外飛來雙羽玉，弄晴

相對浴。樓外翠簾高軸，倚遍闌干幾曲。雲淡  
水平烟樹簇，寸心千里目。

又

春漏促，金燼暗挑殘燭。一夜簾前風撼竹，夢魂  
相斷續。有箇嬌嬈如玉，夜夜繡屏孤宿。閑抱  
琵琶尋舊曲，遠山眉黛綠。

又

空相憶，無計得傳消息。天上嫦娥人不識，寄書  
何處覓？新睡覺來無力，不忍把君書跡。滿院  
落花春寂寂，斷腸芳草碧。

清平樂

春愁南陌，故國音書隔。細雨霏霏梨花白，燕拂  
畫簾金額。盡日相望王孫，塵滿衣上淚痕。誰  
向橋邊吹笛？駐馬西望銷魂。

又

何處遊女，蜀國多雲雨。雲解有情花解語，窄地繡羅金縷。妝成不整金鈿，含羞待月鞦韆。住在綠槐蔭裏，門臨春水橋邊。

又

鶯啼殘月，繡閣香燈滅。門外馬嘶郎欲別，正是落花時節。妝成不畫娥眉，含愁獨倚金屏。去路香塵莫掃，掃即郎去歸遲。

又

瑣窗春暮，滿地梨花雨。君不歸來情又去，紅淚散霑金縷。夢魂飛斷烟波，傷心不禁春何。空把金針獨坐，鴛鴦愁繡雙窠。

又

綠楊春雨，金線飄千縷。花折香枝黃鸝語，玉砌雕鞍何處？碧窗望斷燕鴻，翠簾睡眼溟濛。寶



瑟誰家彈罷？含悲斜倚屏風。

喜遷鶯

人洶洶，鼓鑿鑿，襟袖五更風。大羅天上月朦朧，騎馬上虛空。香滿衣，雲滿路，鸞鳳遶身飛舞。霓旌絳節一羣羣，引見玉華君。

又

街鼓動，禁城開，天上探人回。鳳銜金榜出雲來，平地一聲雷。鶯已遷，龍已化，一夜滿城車馬。家家樓上簇神仙，爭看鶴冲天。

應天長

綠槐陰裏黃鶯語，深院無人春晝午。畫簾垂，金鳳舞，寂寞繡屏香一炷。碧天雲，無定處，空有夢魂來去。夜夜綠窗風雨，斷腸君信否？

又

別來半歲音信絕，一寸離腸千萬結。難相見，易相別，又是玉樓花似雪。暗相思，無處說，惆悵夜來烟月。想得此時情切，淚霑紅袖腕。

### 荷葉杯

絕代佳人難得，傾國，花下見無期。一雙愁黛遠山眉，不忍更思惟。閑掩翠屏金鳳，殘夢，羅幕畫堂空。碧天無路信難通，惆悵舊房櫳。

### 又

記得那年花下，深夜，初識謝娘時；水堂西面畫簾垂，攜手暗相期。惆悵曉鶯殘月，相別，從此隔音塵；如今俱是異鄉人，相見更無因。

### 河傳

何處，烟雨，隋堤春暮，柳色蔥蘢。畫橈金縷，翠旗高颺香風，水光融。青娥殿脚春妝媚，輕雲裏，綽約司花妓。江都宮闕，清淮月映迷樓，

古今愁。

又

春晚，風暖，錦城花滿，狂殺遊人。玉鞭金勒，尋勝馳驟輕塵，惜良辰。翠蛾爭勸臨卣酒，纖纖手，拂面垂絲柳。歸時烟裏，鐘鼓正是黃昏，暗銷魂。

又

錦浦，春女，繡衣金縷，霧薄雲輕。花深柳暗，時節正是清明，雨初晴。玉鞭魂斷烟霞路，鶯鶯語，一望巫山雨。香塵隱映，遙望翠檻紅樓，黛眉愁。

怨王孫

錦里，蠶市，滿街珠翠，千萬紅妝。玉蟬金雀，寶髻花簇鳴璫，繡衣裳。日斜歸去人難見，青樓遠，隊隊行雲散。不知今夜，何處深鎖蘭房，

隔仙鄉。

### 木蘭花

獨上小樓春欲暮，愁望玉關芳草路；消息斷，不逢人，却斂細眉歸繡戶。坐看落花空歎息，羅袂溼斑紅淚滴。千山萬水不曾行，魂夢欲教何處覓？

### 小重山

一閉昭陽春又春，夜寒宮漏永。夢君恩，臥思陳事暗消魂。羅衣濕，紅袂有啼痕。歌吹隔重闈，遠庭芳草綠，倚長門。萬般惆悵向誰論？凝情立，宮殿欲黃昏。

### 望遠行

欲別無言倚畫屏，含恨暗傷情。謝家庭樹錦雞鳴，殘月落邊城。人欲別，馬頻嘶，綠槐千里長堤。出門芳草路萋萋，雲雨別來易東西；不忍

別君後，却入舊香閨。

浣花詩詞與韋莊

賀揚靈著

## 浣花詩詞與韋莊

### 一

在晚唐和五代的時期，有一個大詩人大詞人名韋莊者，字端己，杜陵縣人。早失怙恃，家貧向學。他自幼就很穎敏，愛放蕩，不受拘檢，好作“看花逃學，上屋探雛”的種種遊戲。

太平廣記——韋莊幼時常在華州下邽縣僑居，多與鄰巷諸兒會戲。及廣明亂後，再經舊里，追思往事，但有遺蹤；因賦

詩以記之。

又途次逢李氏諸昆季亦嘗賦感舊詩。“下邳”

詩曰——昔爲童稚不知愁，竹馬閒乘遠  
縣遊。曾爲看花偷出郭，也因逃學暫登  
樓。招他邑客來還醉，纔得先生去始  
休。今日故人無處問，夕陽衰草盡荒  
坵！

又“逢李氏弟兄”詩曰——御溝西面朱門宅，  
記得當時好弟兄。曉傍柳陰騎竹馬，夜  
隈燈影弄先生。巡街趁蝶衣裳破，上屋  
探雛手脚輕。今日相逢俱老大，憂家憂  
國盡公卿！

他在幼時的穎敏，有這兩首詩具體的描寫出  
來，已宛然如畫了。

## 二

章莊少時卽浪遊，幾經亂離憂患。僖宗時，  
黃巢作亂，攻陷長安，他陷在賊中。“賊中與蕭



韋二秀才同臥重疾”及“重園中逢蕭校書”詩，大概就在此時做的。後李克用克復長安，黃巢竄河南；他不久就遠離到江南來了。他的弟妹，亦隨着他顛沛流離到江南來了。

唐才子傳——黃巢亂後，韋莊益窘，移家於越。周遊南方，其弟妹于南方各縣散居焉。

他在南方浪遊有幾十年，他的詩，有——  
和集賢侯學士——多慚十載游梁士。

投寄舊知——萬里有家留南越，十年無路到三秦。

與東吳生相遇——十年身事各如萍。

因此，我們可以證明他流浪在南方有十年不曾回家了。他漫遊的蹤跡，幾遍大江南北。他到過的地方很不少。如——

南京有——上元縣謁蔣帝廟，陪金陵府相中堂夜宴等詩。

揚州有——過揚州，江亭酒醒寄維揚錢客

詩。

蘇州有——題姑蘇凌處士莊詩。

浙江有——婺州屏屨，蒙右省王拾遺車枉降  
訪病中延候不得因成寄謝，東陽酒家贈  
別，桐廬縣作，婺州水館重陽日作，避  
地越中作等詩。

福建有——信州西三十里山名仙人……詩，  
有“驅車過閩越，路出饒陽西”語。

安徽有——過當塗縣詩。

江西有——訪潯陽友人不遇，南昌晚眺，九  
江逢盧員外，泛鄱陽湖，撫州江口雨中  
作，章江作，建昌渡暝吟，饒州餘干縣  
琵琶洲，袁州作，題袁州謝秀才所居等  
詩。

湖南有——湘中作，耒陽縣浮山神廟等詩。

湖北有——楚行吟，夏口行寄婺州諸弟，西  
塞山下作等詩。

他好似搭船由下江直溯而上的：過安徽而至

九江，南昌，袁州……而至湖南至湖北夏口等處。或有一次是由婺州過福建而出饒州鄱陽也難說的。他如解維江上逢故人，江邊吟，江行西望，宿蓬船，酒渴愛江清，信州谿岸夜吟作等詩，想就是在那時候江行中所做的。

### 三

昭宗景福三年，韋莊由江南回到長安，冬日長安感志詩中有“別家三度見新蟾”一語。他到長安，曾經應過試，是在癸丑年間。不幸這一次竟沒有考取，有癸丑年下第獻新先輩，下第題青龍寺僧房詩可證。昭宗乾甯元年，他復考，卒舉進士，當時做了一首“放榜日作”的詩，和一首“喜遷鶯”的詞，却表現不少的得意；旋復授職為校書郎，自然更是快意了。

他第一次奉使入蜀時，已是中年的光景。詩中有“過樊川舊居”一首，自注：“時在華州駕前，奉使入蜀作，”並有“橋阮歸來雪滿頭”之

句，亦足證明他的年紀已不少了。不久歸來，又復入蜀。王建曾聘他爲記室；後來王建僭號在蜀，他亦就做了宰相了。

他卒於成都花林坊，是在前蜀四年七月間。他死時的年紀究有多少？史傳未載，亦考不出來，只得付闕如了。

#### 四

他在流離生活中，感覺亂世的紛擾，異常苦悶，所以歡喜和山僧交遊，好賞一點塵外的靜的風味。他的詩，如——

下第題青龍寺僧房

送日本國僧敬龍歸

訪含弘山僧不遇留題精舍

東林再遇僧益大德

不出院楚公

同舊韻——迎僧出亂岑。

長年——十畝野塘留客釣，一軒春雨對僧

棋。

但是他亦不是一個信佛者，他有“贈禮佛名者”詩云：“何用辛勤禮佛名？我從無得到真庭。尋思六祖傳心印，可是從來讀藏經？”可見他和山僧往來，不過藉以靜養心性罷了。

他是一個淡泊的人，他浪跡各地，總歡喜和各地的士人交遊，並且他所交遊的又多是一些斯文中的清貧者——所謂員外，學士，秀才和處士等。他的詩，如：

聽趙秀才彈琴

歲除對王秀才作

賊中與蕭韋二秀才同臥重疾……

對梨花贈皇甫秀才

贈薛秀才

酬吳秀才雷川相送

和元秀才別業書事

贈武處士

題姑蘇凌處士莊

哭麻處士

哭同舍崔員外

和集賢侯學士

江上逢史館李學士

垣縣山中尋李書記山居不遇留題河次店

題袁州謝秀才所居

九江逢盧員外

鄜州留別張員外

由此我們更可見韋莊不是一個趨附權貴之門的勢利者，他好交天下寒士，其心志之淡泊甯靜可知矣。

## 五

在晚唐和五代中，混亂已極，韋莊家中的弟妹，已各天涯地角，鬧得四散了。他只是漫游，到處爲家。他的懷鄉思家的情緒，幾無時不湊在他的心上，有時竟在魂思夢縈中，亦想起他的家鄉來。他在詩中表現這種情緒的很多。例如：

章臺夜思——鄉書不可寄，秋雁又南迴。

柳谷道中作却寄——心如嶽色留秦地，夢逐  
河聲出禹門。

賊中與蕭韋二秀才同臥重疾——弟妹不知  
處，兵戈殊未休。

思歸——舊里若爲歸去好，子期凋謝呂安  
亡！

中渡晚眺——家寄杜陵歸不得，一迴迴首一  
潛然！

夏口行寄婺州諸弟——雙雙得伴爭如雁，一  
一歸巢却羨鷓。

含山店夢覺作——曾爲流離慣別家，等閑揮  
袂客天涯。燈前一覺江南夢，惆悵起來  
山月斜！

遣興——聲聲林上鳥，喚我北歸秦。

夢入關——夢中乘傳過關亭，南望蓮峯簇簇  
青。馬上正吟歸去好，覺來江月滿前  
庭！

這些詩，都是他浪跡在各地做的，有的做  
在江舟中，有的做在宿店裏……凡目所見耳所聞  
的，都足掀動其懷鄉思家的傷感。我們讀以上各  
詩句，就感覺到這是一種好難聽的淒苦流離的哀  
聲呵！

他一方面感覺流離的悲哀，同時又感覺家貧的苦痛，他時常談到他的家況。他的詩，有：

曲江作——性爲無機率，家因守道貧。

和人歲晏旅舍見寄——老憂新歲近，貧覺故交疎。

新正日商南道中作寄李明府——今日與君同避世，却憐無事是家貧。

寄湖州舍弟——多病似逢秦氏藥，久貧如得顧家金。

像他這樣爲貧窮和流離所迫，心中已鑄滿了無數的傷痕，而又沒法解決，過後他亦只有走上消極和頹廢的那條路了！

## 六

還有一種重大的傷感，要使他趨於頹廢的，就是韋莊有一番憂國傷時的心腸，目擊當時變亂，盜賊蠶起，小民無辜，受盡刀兵與流亡的悲痛，混戰了幾十年，還不得甯息，這如何不教他



傷心涕零呢？他的詩，如：

辛丑年——九衢漂杵已成川，塞上黃雲戰馬  
閑。但有羸兵填渭水，更無奇士出商  
山。田園已沒紅塵裏，弟妹相逢白刃  
間。西望翠華殊未返，淚痕空濕劍文  
斑！

又聞湖南荆渚相次陷沒——幾時聞唱凱旋  
歌？處處屯兵未倒戈。天子只憑紅旆  
壯，將軍空恃紫髯多。屍填漢水連荆  
阜，血染湘雲接楚波。莫問流離南越  
事，戰餘空有舊山河！

清河縣樓作——千里戰塵連上苑，九江歸路  
隔東周。

聞官軍繼至未覩凱旋——陣前鞞鼓晴應響，  
城上烏鳶飽不飛。

過內黃縣——雲中粉堞新城壘，店後荒郊舊  
戰場。

洛陽吟——如今父老偏垂涕，不見承平四十

年！

旅次甬西，見兒童以竹槍紙旗戲爲陣列。主人叟曰：斯子也，三世沒于陣，思所襲祖父讎；余因感之。——已聞三世沒軍營，又見兒孫學戰爭。見爾此言堪慟哭，遣予何日望時平！

贈薛秀才——相辭因避世，相見尙兵戈。亂後故人少，別來新話多。但聞哀痛詔，未覩凱旋歌。欲結巖棲伴，何以好薜蘿？

這種喪亂，流離，血淚，荒涼……情景，在當時已成普遍的慘怖，而語多諷刺，更足證明是他不滿意當時政治現狀的一種表徵。他的“秦婦吟”詩，描寫黃巢圍陷長安的慘況，尤爲淋漓盡致！他本有救世的心腸，惜無救世的能力，對於這種不人道的戰亂，亦只有咀咒，痛恨……結果仍是無法，還是消極頹廢，繼欲圖遁跡山林，唉，詩人！唉，悲天憫人的詩人！其如滿地荆

棘，欲結巖伴，無好薜蘿何！

## 七

他爲身窮的流亡，飢寒的壓迫，時世的紛亂，種種都與他以很大的刺激和無窮的傷感。此數者，都和他自己有相因關係，因戰禍而流亡，因流亡而窮困，然他都沒解決牠的方法和能力。終日只是憂驚心悸，由苦悶而消極，而頹廢……一個人到了頹廢的時候，想來想去，天地間唯一的安慰和出路，只有浪漫，沉醉與吟詩。他亦知道這樣是無濟于事的，所以他說——能詩豈是經時策？愛酒元非命世才。（對酒獨酌）看他——傷心人，是別有懷抱，原不過借此以抒其憂亂傷離的愁懷罷了！他的詩，關於吟詠詩酒的很多，略舉，如：

寄湖州舍弟——半年江上愴離襟，把得新詩  
喜又吟。

對酒賦友人——白雪篇篇麗，清醕盞盞深。

曲江作——詠詩行信馬，載酒喜逢人。

冬日長安感志——吁嗟每被更聲引，歌詠還  
因酒思添。

春暮——一春春事好，病酒起常遲。……不  
學山公醉，將何自解頭？

晚春——萬物不如酒，四時惟愛春。……風  
月應相笑，年年醉病身。

雲散——劉伶避世惟沉醉，甯戚傷時亦浩  
歌。

婺州水館重陽日作——一杯今日酒，萬里故  
鄉心。

病中聞相府……——樽前莫話詩三百，醉後  
甯辭酒十千。

天仙子——除夜歸來長酩酊，扶入流蘇酒未  
醒。酒氣麝蘭和，驚睡覺，笑呵呵；長  
笑人生能幾何！

菩薩蠻——勸君今夜須沉醉，罇前莫話明朝  
事。珍重主人心，酒深情亦深。須愁

春漏促，莫訴金盃滿。遇酒且呵呵，人生能幾何！

吟詩醉酒，原是他一種生活的變態，這種變態，使他的行爲亦趨於浪漫，竟沉迷于倚紅偎綠的生活中。他有詞如——

#### 浣溪沙

惆悵夢餘山月斜，孤燈照壁背紅紗，小樓高閣謝娘家。暗想玉容何所似？一枝春雪凍梅花，滿身香霧簇朝霞。

#### 江城子

恩重嬌多情易傷，漏更長，解鴛鴦。朱唇未動，先覺口脂香。緩揭繡衾抽皓腕，移鳳枕，枕檀郎。

#### 菩薩蠻

如今却憶江南樂，當時年少春衫薄。騎馬倚斜橋，滿樓紅袖招。翠屏金屈曲，醉入花叢宿。此度見花枝，白頭誓不歸！

後一首詞，或是他中年在長安時做的。回憶

他少時流離江南所享受那種“滿樓紅袖招，醉入花叢宿”的浪漫生活，曾消磨多少年華！如今時過境遷，怯侵二毛，此夢已成空了！

## 八

他幾回返京，幾回南下，幾回入蜀，漂泊一生，飽嘗多少的風塵滋味。看他在長途中所做的一些詩，描寫那種雞聲茅店的行役苦況，就可知了。如：

柳谷道中作却寄——曉發獨辭殘月店，暮程  
遙宿隔雲村。

秋日早行——半山殘月露華冷，一岸野風蓮  
萼香。煙外驛樓紅隱隱，渚邊雲樹暗蒼  
蒼。

早發——早露濃于雨，田深黍稻低。出門鷄  
未唱，過客馬頻嘶。樹色遙藏店，泉聲  
暗傍畦。獨吟三十里，城月尚如珪。

這些詩，都是描寫他在行程中風餐露宿的情

景。最妙是獨吟走路，走了三十里，而城月如珪，東方猶未浮白，他的風塵僕僕的勞苦，已宛然在目。他的“東游遠歸”詩，有“扣角干名計已疎，劍歌休恨食無魚”語，可見他勞頓在江南多年，顛沛流離，不特求名干祿，久無心計，即維持生活，尙是問題，因此更教這位間關跋涉，櫛風帶月的詩人，要抱無限之隱恨矣！

## 九

他奔波風塵，自與大自然相默契，而興會亦饒逸致。所以他寫山水和田園的詩，最爲逼真，清雅絕俗，備極高妙自然。

他寫山水的詩，如：

信州西三十里山名僊人……——僊山翠如畫，  
簇簇生虹蜺。羣峯若侍從，衆阜如嬰提。  
巖巒互吞吐，嶺岫相追攜。中有月輪滿，皎潔如圓珪。

桐廬縣作——潭心倒影時開合，谷口閑雲自

卷舒。

夜雪泛舟遊南溪——兩岸嚴風吹玉樹，一灘  
明月曬銀砂。

山墅閑題——靜極却嫌流水鬧，閑多翻笑野  
雲忙。

題盤谷驛水館後軒——灘頭鷺占清波立，原  
上人侵落照耕。去雁數行天際沒，孤雲  
一點靜中生。

雨霽晚眺——嶺雲寒掃蓋，溪雪凍粘鬚。臥  
草銜如虎，聽冰怯似狐。

這些詩，都能將山水間的儀態，寫得有聲有  
色，惟妙惟肖。而於山水間的性情，亦寫得閑淡  
有致。看他桐廬縣作山墅閑題等詩句，就可知道  
了。

他寫田園的詩，如：

號州潤東村居作——東南騎馬出郊壩，迴首  
寒煙隔郡城。清澗漲時翹鷺喜，綠桑疎  
處哺牛鳴。兒童見少生于客，奴僕驕多



倨似兄。試望家田還自適，滿畦秋水稻苗平。

紀村事——綠蔓暎雙扉，循牆一徑微。雨多庭果爛，稻熟渚禽肥。釀酒迎新社，遙砧送暮暉。數聲牛上笛，何處餉田歸？途中望雨懷歸——牧豎遠當煙草立，饑禽閑傍渚田飛。

鄠社舊居——阮咸貧去田園盡，向秀歸來父老稀。秋雨幾家紅稻熟，野塘何處錦鱗肥？

村居書事——砌長蒼苔厚，籐抽紫蔓肥。風鶯移樹囀，雨燕入樓飛。

這些詩，描寫田園風景及其樂趣，俱很佳妙，幾可與王孟比肩矣。

他寫山水田園的詩不少，頗有得乎王孟藝術之神。他平日最愛摩詰的山水畫，他的“和友人詩”有“靜閱王維畫”語。凡是愛看摩詰的畫的人，沒有不愛學摩詰的詩。蘇東坡云：味摩詰之

詩，詩中有畫；觀摩詰之畫，畫中有詩。若韋莊者，真有得乎其畫中有詩之趣韻矣。

## 十

他的詩詞很不少，可惜大半散佚。今有詩，如浣花集合十卷，只有二百五十五首。（併補遺及秦婦吟在內）“乞彩牋歌”他自己說——我有歌詩一千首。其弟韋諷浣花集序說：

余家之兄莊，自庚子亂離前，凡著歌詩文章數十通，屬兵火迭興，簡編俱墜，唯餘口誦者，所存無幾。爾後流離漂泛，寓目緣情，子期懷舊之辭，王粲傷時之製，或離羣軫慮，或反袂興悲，四愁九愁之文，一詠一觴之作，迄於癸亥歲，又綴僅千餘首……

他的歌詩，雖在庚子以前，已“簡編俱墜”，所存無幾；但“迄癸丑歲又綴僅有千餘首”了。今浣花集所存二百餘首，大概是韋諷“便因間日錄兄之藁草中或默記于吟詠者”所遺餘的吧？據諷

序又云，“餘今之所製，則俟爲別錄，”則韋詩在浣花集外尚有別錄；今俱不存；其所散佚，更不在少。

“秦婦吟”近在敦煌發現，爲唐寫本。前後殘闕，尙近千字。此詩花間集十卷中不載，唐寫本亦無書題及撰人姓名。孫光憲北夢瑣言謂蜀相韋莊應舉時，遇黃巢犯闕，著“秦婦吟”一篇，云：“內庫燒爲錦繡灰，天街踏盡公卿骨。”今敦煌唐寫本亦有此二句，當爲孫所言之詩無疑。詩爲長慶體，敘述黃巢焚掠，借陷賊婦人口中說出，語極沈痛詳盡。其詞亦復明淺易解；故當時人人喜誦之，至製爲障子。北夢瑣言謂莊貴後，諱此詩爲己作，至撰家戒，不許垂秦婦吟障子，則其風行一時可知。此詩前後皆闕，尙存九百六十餘字，當爲晚唐詩中最長者。王國維“敦煌發見唐朝之通俗詩及通俗小說”一文，曾著論及此。

韋莊的詞，在全唐詩中著錄其詞有五十四首，花間集中著錄其詞有四十八首，當然這不是

他詞的全部。他的詞，意境高超，辭極清豔，在晚唐和五代中的作家，算是一種特別的風格。後來有好些人批評他的詞，如：

詞概——韋端已馮正中諸家詞，流連光景，悵惘自憐，蓋亦易飄飄於風雨者；若第論其吐屬之美，又何加焉！

論詞雜著——詞有高下之別，亦有輕重之別。飛卿下語鎖紙，端已揭嚮入雲，可謂極兩者之能事。

人間詞話——“絃上黃鶯語，”端已語也，其詞品似之。——韋端已之詞，骨秀也。

我們看過這些評語，再去讀他的詞，當可想見其價值之所在，自可不必再分節詳論之也。

八十年二月四日於安慶稅稿

上海圖書館藏書



A541 212 0007 4074B

